

新刻黃掌綸先生評訂神仙鑑首集卷之六

林屋石樓秘本

江夏明陽宣史徐衡述  
汝南清真覺姑李理贊

○○傳火候治仙鑄劍○○究三一漁父談玄

季斯召孔子與語如在河海莫窺其際斯家人穿井得上  
缶中有一羊斯出問曰穿井得狗何也孔子曰羊也丘聞  
木石之怪曰夔魍魎水之怪曰龍罔象土之怪曰羆羊非  
雌非雄徒有其形斯問家人果然斯驚服舉為中都宰今  
汶  
縣上時四十二歲乃制為養生送死之節張幼異食男女別







新刻黃掌綸先生評訂神仙鑑首集卷之六

林屋石樓秘本

江夏明陽宣史徐衡述  
汝南清真覺姑李理贊

○○○傳火候治仙鑄劍○○○究三一漁丈談玄

季斯召孔子與語如在河海莫窺其際斯家人穿井得上  
缶中有一羊斯出問曰穿井得狗何也孔子曰羊也丘聞  
木石之怪曰夔魍魎水之怪曰龍罔象土之怪曰羆羊非  
雌非雄徒有其形斯問家人果然斯驚服舉爲中都宰今  
上時四十二歲乃制爲養生送死之節畏幼異食男女別  
途強弱異任路不拾遺器不雕僞行之一年四方皆取法



楚昭

羊建

秦哀

孟羸

伍奢

羊勝

伍尚

伍員

焉有陳使至中都致陳侯命言本國有隼集於庭括矢貫之石弩人有八寸孔子曰肅慎氏矢也先王以貢矢分封大姬試求之故府果得之楚君昭名珍亦遣使來問渡江得一物如瓜孔子曰萍實也吾嘗問津於楚聞童謠曰楚王渡江得萍實大如斗赤如日割而食之甜如蜜乃散而復合之兆使者歸告楚昭曰真聖人也自楚平殺三兄自立為太子建求婚於秦哀公許以長妹孟羸景公女楚平聽讒而自納以從勝與建遣鎮城父命伍奢為輔孟羸生子珍楚平欲殺建建與子勝奔宋使者執奢至郢逼誘其二子入朝長子尚赴命同斬於市次子員音暉字子胥見手書心疑



遂越

顯蹟於隋

皇甫誦

全卦曰甲日時加於已支傷目下氣不相受主上下相欺  
 知建在宋遂奔與相會宋方亂復去之鄭子產卒建謀襲  
 鄭事洩被殺員同勝逃出想可與楚敵者惟吳東行數日  
 將近昭關在江北和州小峴山之四兩右司馬遂越駐於  
 山正時中為關口吳楚之交來得真巧  
 此員偃息深其有者叟扶杖入見曰君非伍氏子乎員大  
 駭叟曰吾乃扁鵲弟子東臯公老隱於此君不必諱可過  
 敝廬相商員勝隨行至莊引入上室員以實告東臯出酒  
 食款待至七日員曰有父兄讎以刻為歲東臯曰足下雄  
 偉見者易識龍洞山皇甫誦彷彿類君貌慷慨仗義有頃誦  
 至代述所以直任無辭當晚治湯與員洗沐明晨員取鏡



田漁之人

口夢壽

口諸樊

田餘祭

口夷昧

照之哭曰大仇未報鬚髯蒼斑東臯慰之曰無傷用藥爲君改易耳與訥更易其衣勝亦村裝隨訥至關關卒見訥有驚惶之狀盤住入報員勝乘隙出關遠越執訥推問適東臯至曰吾友皇甫訥偕我出關東遊耳越謝過買疾行至鄂渚沿江有漁舟負呼渡漁父食以麥飯既渡解劍與之父笑員請問姓名父曰呼吾爲漁丈人吾呼子爲蘆中人可也蕩舟而去員至梅里吳舊都藏勝於剡乃佯狂吹簫乞食吳至夢壽始霸僭稱王遺命兄終弟及諸樊傳餘祭餘祭傳夷昧昧卒季札不受昧子僚自立光心不服諸樊子求善相者被離舉爲市吏見丐者雄偉遜坐問之乃楚亡



王僚

被離

專諸

闔閭

顧臨

歐冶

干將

梁母

臣伍員引見光與謀其事員薦吳趨勇士專諸刺僚光即

位號闔閭尊員為行人周敬王六年也員相地形嘗水味

築城於姑胥山東北陸門入象入風水門入法入聰今姑蘇城

徙都於此別築一城於鳳凰山南以脩越名南武城府城

東築治城於牛首山朝天宮地越大夫顧臨之子歐冶鑄劍數

千號扁諸歐冶常與吳人于將妙義同師梁母學冶母於西周

時見市有嘯父者自稱冀州人補履數十年母獨奇其不

老每奉以飲食得授作火銀冶之法嘯父臨上三亮山與

梁母別烈數十火而昇西邑多奉祀之於是知梁母有道

皆造求之惟歐冶于將身如奴役奉事始得其傳越之赤



允常

明此理者  
吾其師之

勝玉

風胡子

董之山破而出錫若耶之谷涸而出銅越王允常聘歐冶子作劍於疏華山乃以錫雜銅為純鈎之劍四十九日而不化往見梁母母教以必用人祭天帝將遣神女來侍爐得妙金水以配柔剛神劍成矣歐冶如其言夫婦俱入爐中立成寶劍六口吳諸樊遣使往求允常留步光屬鏤巨闕三劍以三口獻吳一曰魚腸闔閭授專諸刺僚以為不祥函封不用二曰盤郢愛女勝玉卒用以送葬舞白鶴於吳市觀者萬人皆殺以殉三曰湛盧後忽失之楚昭王於宮既醒見枕畔有一劍召相劍者風胡子示之風胡驚曰湛盧之劍為吳所寶臣聞乃五金之英太陽之精出之有神



妙道在斯  
悟者得之  
莫邪

服之有威楚昭以爲夫瑞闔閭使干將於天馬山鑄劍三  
千仿魚腸式山頂有雙石如魚以架爐足其後一及風雨  
化魚飛去今在陰青山上有鑄爐更令干將居匠門別鑄利劍採五  
山之精鐵六合之金英候天伺地妙選時日天氣下降百  
神臨觀聚炭如丘使童男女三百人裝炭鼓橐三月而金  
鐵不化干將心疑其妻莫邪曰神物之化須人氣而後成  
今作劍不就得無待人乎我能效之乃沐浴斷髮剪爪立  
於爐旁使男女復鼓橐炭火方熾莫邪自投於爐頃刻金  
鐵俱液瀉出二劍先成者即名干將後成者即名莫邪陽  
作龜文陰作漫理干將傷妻之死匿其陰而獻其陽闔閭



試劈大石應手而開

即虎丘王試劍石

重賞于將後知匿其一使

人往取不得將殺之干將取劍忽自匣中躍出化為青龍

干將乘之升天俯首謂使者曰吾劍藏於南山之陰北山

之陽我隨梁母去矣使者還報盜寶干將楚之伯嚭亦逃

至吳謁子胥訴冤遂引為大夫被離見員曰觀嚭鷹視虎

步用之必為子累員不為然被離隱去更名姑布子卿每

與扁鵲同遊僚子慶忌逃於艾城闔閭患之買進要離使

刺殺慶忌又舉齊人孫武熟學韜鈴於亢倉子隱於羅浮

山之東

在維揚泰州

闔閭具禮往聘武出山以所著十三篇次

第進上試以宮女演習皆中繩里命武將兵伐徐及鍾吾

伯嚭

姑布

子卿

要離

慶忌

孫武

亢倉子



掩餘燭庸

知足不辱

知包胥

浣紗女  
知機其神

執其二君僚弟掩餘燭庸奔楚武追至舒城執殺之闔閭  
伐楚徵兵於越不至怒欲伐越武曰歲星在越伐之不利  
闔閭敗越於檣李武謂員曰四十年後越強而吳盡矣員  
誌其言闔閭以唐蔡爲鄉導孫武直趨漢陽五戰入郢楚  
昭奔隨員握楚平墓鞭其屍移師伐鄭爲建報仇得漁丈  
人解圍乃釋鄭武勸立勝爲楚後闔閭不聽楚臣申包胥  
如秦乞師哀泣七日秦師出敗吳偏師楚昭返國員請立  
芊勝楚人迎歸封白公員欲求東皐皇而報之不知去向  
就地再拜毀昭關過漂陽投金於瀨以謝浣紗女旋師之  
日孫武固請還山員留之武曰子知天道乎夫功成不退



必有後患。吾非徒自全，并欲全子。員弗聽。武飄然辭行，闔

閭贈以金帛數車。武隨路散於貧者，歸山復著書八十二

篇。常出遊原野，遇引起下文二人，風情瀟灑，服飾古樸。問之，答云：東

臯公皇甫訥也。武敬禮曰：子胥嘗言高義，今將何往？東臯

曰：前東遊，遇太師岐伯，又託爲南陽人，范蠡字少伯，昔在

秦爲太醫，時有主魚小吏赤須子，奉事甚謹，因傳以服食

遂同遊吳山，適推越得歲星，闔閭強暴伐之。太師欲屈身

於越，相助滅吳，赤須自歸，鄴邑太師往見一真道人，求其

兵書陣圖陰符決勝之術，命我二人留居江淮，俟功成再

與相見。故於此採藥濟人。孫武有心訪道，遂問一真，根由

范蠡

應前



辛研

計然

東臯曰太師云是上清之徒即齊始祖太公幾百年間往來江漢常爲漁翁不留姓名今棲於葵丘濮水之上專心研究玄微因假名辛研一曰字計然刑音謂所計皆自然也曾任晉與諸公子遊復事老子得聞其道著通玄經一十二篇名曰文子歸本太上之言歷陳天人之道時變之宜卒萬古於一篇誠經世之樞要也予欲請見予當偕往武欣然隨至濮上尋見漁舟具求開示計然恐岸側有人竊聽乃蕩漾入濮水中流謂武曰子殺伐太重仁德有虧當遭刑戮之報武驚問曰黃帝制兵後世用之除殘去暴皆賴武功何爲獨招凶報計然曰佳兵不祥聖人不得已



而用之。今闔閭興師。焚人宗廟。毀人社稷。伐得歲之越。滅  
王制之徐。殺兄弟人倫已絕。殉萬民天理全虧。子孫享國  
必淺。已身斷捫凶終。吾子才識明達。允為道器。自宜閉戶  
潛修。何事出山供役。戕戮生靈。致傷陰德。猶賴退隱。日早  
復以金帛濟貧。今生幸免。轉世難全。武跪曰。痛改前非。努  
力濟度。可得拔乎。計然曰。拜訪明師。躬行仁恕。終列仙階。  
武再拜謝教。計然又言。伍員雖為父兄之讎。然鞭死者屍。  
處生者室。未有人臣報怨如此之極者。不信。吾子與被離  
之言。刎頸抉目。不亦宜乎。而其受恩必酬。天亦報施不爽。  
吾曾渡之於江上。所謂廬中人能救城中人。吳太宰難為。



馬丹  
列子

越太宰也東臯究問計然曰至後自知復叩已之前程計  
然曰得止人爲師友大道可成東臯問所當師友者何計  
然曰青溪鬼谷子可師鄭國列子可友東臯曰鬼谷慕之  
已久未識列子從來計然曰先是狄人馬丹爲晉獻公木  
正公滅狄又殺恭太子坤丹遁去趙宣子時名丹乘車復  
入晉都靈公欲用之逼不以禮有迅風發丹入迴風中去  
至今北方人尊祀之嘗問道於關尹子十反而十不告退  
數月意不已又往從之始得一盼三年復見始解顏而笑  
五年教以澄靜七年後心口無是非利害始引並席而坐  
問曰至人潛行不窒蹈火不焚行乎萬物之上而不慄請



鄭女

壺丘

林子

老商氏

鄭穆

子陽

問何以至於此。關尹曰：是純絜之守也。知其塵俗未斷，但授以延年駐世之法。丹因娶鄭女為妻，復師壺丘子林子。林以其心散好遊，謂之曰：三機一宗，內觀取足，至遊無適。持後處先，丹事之九年。又往亳師老商氏，受其法語曰：靜虛得居，心凝形釋，飽食虛遊，得意知進。於是復與伯高子為友，相規以道，篤志行之，乃能御風而行，改名禦寇，隱居鄭之圃田四十餘年。人無識者，著書八篇，號列子。後曰：仲虛經。弟子歸者，日衆。鄭穆公時，子陽為政，專任刑法，或告曰：禦寇，有道之士，居君之國，而困窮無乃咎乎？不好士乎？子陽遺黑數十乘，列子再拜而辭，其妻不悅。列子曰：子陽非自



知我也。以人之言而遺我粟，亦將以人之言而責我罪矣。  
此吾所以不受也。無何，鄭人殺子陽，其黨皆死而列于不  
與時人稱之。故謂其可友。皇甫問立身之道，計然曰：子當  
廣濟以資陰德，方可語道。然濟人非鉅富不能。且教子致  
富之術，夫生財在於孕子，蓄息然。蓄養雞豚，供人口腹，反  
增殺業，惟牛可用。力田於民有功，吾子可收牯犢，牧養使  
其生有蕃衍，即可倚為貨殖。溥濟世人矣。訥拜領教。孫武  
搔首沉吟曰：二公可即修證，我必隔世始能竊思人稟陰  
陽之氣而生，衰老而死，千古疑病魂魄隨氣之清濁升降，還諸天地  
流散寰中，惡能再有後世來生可望。是以疑之。計然正色



能知三一  
者乃是道

仙真令

卷六

曰是何言歟。吾子惑之甚矣。豈不聞天真皇人三一之說  
乎。凡修道者。務使精炁神三者合而為一。統而不散。雖歷  
終古不滅。即庸夫俗子。形骸蛻去。靈性常存。但不能識認  
本來耳。孫武頓悟。復拜求不昧前因之旨。計然曰。此等功  
夫尚遠。雖得道神仙。猶難認切。從來必得仙長指迷。引歸  
舊路。吾子既有仙緣。何患不歸正道。東華曰。仙翁所言神  
仙。轉世不悟。從來亦有說乎。計然曰。肅豫十四劫。赤松大  
庭二古仙。相與遊戲。投入晉國。先後托生於皇姓之家。大  
庭為長。曰初起。赤松為弟。曰初平。初平年十五。家使牧羊。  
路遇一道士。引入金華石室中。教其默悟。前因獨坐四十

皇初起

皇初平



近在山東  
良震之鄉  
白石者  
子也士者  
陽也亡去  
能識得始  
為不昧

餘年始覺其兄初起行訪歷年不得後尋至衛國見市有  
道士善卜初起問吾弟牧羊野外失去已久願卜其存亡  
道士卜曰可得日言昔於金華山中見一牧羊兒自言姓  
黃字初平非若弟乎初起驚喜曰是矣道士即引至金華  
果得相見因問之初平曰賴容成天公相携至此已得警  
覺天公謂吾兄未悟故假卜者來引初起拜謝道士笑而  
不答初起問弟羊何在曰近在山東耳初起往視無所見  
惟白石磊磊還謂弟曰山東無羊也初平曰羊固在兄不  
自見與之偕往初平對白石太叱以鞭揮之曰羊起羊起  
白石皆變成羊遍地跳舞初起大異曰我弟獨得仙道如



手言

書

此等間可能學乎。初平曰：惟好者便可得之。初起感其語，於是棄家學道。服松栢茯苓，日久亦能坐在立亡，行於日中，無影而有童子之色。陽體陽光罔象，真精真炁生神。學者若無慧劍，丹道不成。歐冶子將明火候而盡人功，劍成丹就，若謂自投於爐而身殞者，未為知道。真土真鉛真汞三者合一，是為三一。煉精化氣，煉氣化神。煉神還虛，斯謂還原。能知三一方可還原。孰知初乎初起，更有赤松大庭一番事跡，愈見援引之不可少。



○一神人道傳墨子

○七隱士諷諫聖人

△南伯逢

初平方答以從來初起深愧不如以師長事之其後俱還鄉里親族死亡累盡遂欲復歸原處臨行以方術授故人

之子南伯逢初平歸淮陰黃石山改名黃石公初起歸曲

△黃石公

阜大庭之堂思奮技巧立法傳後務使已之明智與黃石

一般而後已復投勝路東平村依智氏托生以再顯於世

汝等觀如此神仙尚不能自悟必經指點而始覺況於微

末乎譬如根荑柔脆之草木浪性栽移不及時培養欲其

不萎稿者鮮矣三子再拜受教計然移舟至岸謂東臯曰

吾有照應樞伏倚於微語小友涓子得涿丘公之術好餌木節食養精三百年



贛子

墨翟

景公

著天地人三才之經四十八篇與我趣向相同欲度之出世彼於荷澤垂釣予以驅攝靈符藏赤鯉腹中授之隱於宕山能制風雨復授以伯陽九仙法便能變化今遊於睢水百年未回子如至宋可善視之東臯應諾各自辭去孫子歸羅浮終老皇甫投衛北漳水販鬻牛特改名贛子東臯改姓墨名翟爲蔡史官號爲史墨後入宋北染素絲者悲曰染於玄則玄染於黃則黃所以入者變則其色亦字五入而以爲五色故入不可不慎也居年餘國人知其賢師者甚衆景公舉爲大夫外治經典內修道術著書十篇號墨子更居年餘數曰世事已可知矣將委流俗復赤松



汙漫

支離先生

洛誦之

瞻明師

聶許

需役

于役

參寥

疑始

子遊也。乃謝遣門人吏裝遊行。別號汙漫。或言姓朱。聞廬江有支離先生。善劍術。從學之。殫千金之貲。支離始傳教。以屠龍之技。三年技成。而無所用。笑曰。能屠龍而無龍可屠。技亦何益哉。乃棄而東行。泗水有異人。曰洛誦之。孫深。得道妙。但吝於教人。墨子再拜懇求。洛誦曰。吾昔聞大道於瞻明師。瞻明聞之聶許。聶許聞之需役。需役聞之于謳。謳聞之玄冥。玄冥聞之參寥。參寥聞之疑始。皆約而秘密。弗傳外道。子先誠正心意。別有上仙來教也。墨子告退。結宇於黃石山下。精思至道。復自著書。不輟。清夜假寐。似有人以被覆之。如此三夜。墨子振袖默伺。有一神人自空



而至乃起而問曰君豈山嶽之靈乎抑度世之仙乎願且少留誨我真道神曰見子好道故來相視未知子欲何求墨子曰願得長生神遂授以未英九方素書道靈教誡五行變化凡三十五卷曰子有仙緣質地聰敏得此一書便成不必更求但不可自生異念有違大道語畢欲行墨子拜問姓名神曰我成石父也於是墨子依方修合奉法行皆得効驗復撰集五行記五卷世人指爲地仙遊鄭往見列子已御風出遊問何時返其家人曰旬有五日後返墨子候之歸與語萬物性理井井有條與語神通變幻亹亹不倦至問其道德微奧則惘然失對墨子去而之



崔文子

齊見都市有成石父祠異之問市人莫有知者一人賣藥  
於祠旁形容古怪問之其人曰我泰山崔文子也又名野  
子好服山木年三百餘恒以醫藥度人學於扁鵲既聞白  
石山老人自號成石父有道德往求之教我以黃老之事  
同居瀟山下修合黃老丸散復挈我至齊都賣藥時通國  
大疫人民死者萬計令我呼於市言能治此症長吏告之  
齊侯令速施救師授我以朱橐擁之下繫黃老散以臨民  
間有染患者投散於水中飲之即愈齊侯方召見忽棄我  
去遊四嶽齊感其德故立祠於此我常往來治疾寄寓祠  
中墨子聞言欲往尋之文子曰比汝到彼又將他適矣墨



子乃入雲夢訪鬼谷子執禮相見鬼谷與之細談玄理墨子更問今之最明道者爲誰鬼谷曰周之徵藏史老子道德淵微爲神仙之宗長但其教化華夷行踪莫定魯之孔仲尼當世稱其聖蓋往見之墨子欣然往魯孔子爲中都宰一歲教化大行定公問口以子之法治魯可乎對曰雖天下可也乃以爲司空年五十費宰公山弗狃因陽貨爲亂季斯召孔子定其亂進爲大司寇攝朝政七日誅亂政大夫少正卯年一五齊黎鉏言於景公曰魯用孔子危齊奈何公使使告魯爲好會於夾谷欲以兵劫之孔子請其司馬齊人氣沮景公歸晏嬰請返所侵之田以謝過魯築城

公山

弗狃

陽貨

少正卯

黎鉏



以仲由

冉求

儀封人

顏濁鄒

於龜陰名謝城以彰孔子之功十二年國之南境來一大鳥

長喙而獨足鼓翼舞於田野人遂之飛騰北去季斯以問

孔子子曰鳥名商羊居北海濱所至有淫雨齊魯接壤不

可不脩斯豫戒修隄蓋屋三日果大雨如傾斯以仲由冉

求為家臣孔子言於定公曰大夫無百雉之城長三丈高一丈曰一

雉今三家過制請損之乃墮三都孔子十五年相魯大治

齊人益懼黎鉏請歸女樂於魯斯與魯君受之三日不聽

政孔子作龜山操子路曰夫子可以行矣及郊祭膳俎不

致於大夫孔子遂行由求棄官從之至衛之儀已封人請

見王於顏濁鄒家年五十六靈公致粟去萬居頃或有諸者公



顏刻

蘧伯玉

南子

魯哀

桓

信之孔子適陳過匡弟子顏刻爲御匡人以其爲陽貨聚甲  
圍之子路奮戟將出鬪孔子止之安坐鳴琴諸弟子作歌  
相和匡人知悞謝罪而去聖公追還孔子復之衛主於大  
夫蘧伯玉家公夫人南子請見孔子見之公與夫人同車  
而出使孔子爲次乘孔子耻之去衛適曹是歲魯定公卒  
明歲子蔣立哀孔子去曹適宋司馬桓魋欲害之乃微服  
而過遂過鄭與弟子相失獨立東郭門逢相者姑布子卿  
審視良久迎謂子貢曰是爲孔丘歟得堯之志舜之目禹  
之頸臯陶之喙從前視之盎盎乎似有土者從後祝之高  
肩弱脊循循固得之轉腰以下四寸此惟不及四聖者也



兩下機鋒相對

○項橐

始造化小兒點羸

兒點羸

○司城貞

子貞

○公良孺

汗面而不惡葭喙而不耗羸乎若喪家之狗子何患焉子

貢歸以告孔子欣然曰形狀未也而似喪家狗然哉丘何

敢當乎遂適陳遇項橐與論日之遠近孔子詰其辯謂弟

子曰吾師也聞天上有造化神名點羸善知天地之理此

始造化小兒也至陳主於司城貞子家五十九歲自陳適

蒲公叔氏以蒲叛止孔子之行弟子公良孺賢而勇與鬪

甚疾蒲人懼孔子出東門適衛望之於野見一老人底春

披裘拾遺穗於畦並歌並進頷謂弟子曰彼叟可與言者

子貢滿行逆之隴端歎曰先生曾不悔乎老人行歌不留

叩之不已乃仰應之曰吾何悔乎貢曰少不勤行長不競



時若無妄子死期將至有何樂乎。老曰故能壽若此樂若此。貢曰。死者人之惡。子以死為樂何也。老曰。死之與生一往一返。死於是者安知不生於彼。故吾知其不相若矣。安知營營而求生非惑乎。又安知今之死不愈昔之生乎。子貢不喻其意。還以告孔子。曰。吾知其可與言。

林類

果然。靈公郊迎以入。詢知衛人。林類年且百歲。樂道安貧。

荷蕢

孔子擊磬於衛。以寓憂世之心。有荷蕢者聞而歎之。蓋避

趙鞅

仕自匿姓名孔子欲往。賢西至河間。趙鞅殺賢大夫。竇鳴犢舜

竇鳴犢

華不濟而反。還息乎陬鄉。作息陬操以哀之。既反衛。靈公

舜華

問陳孔子以未學對。復如陳。時已魯季斯卒。子肥為相。謚



○召孔肥

子欲召孔子，公之魚沮之，乃召冉求。孔子有歸歟之歎，六

○吳公之魚

十一歲如蔡，六十二歲如葉。沈諸梁問政，對以來遠附邇。

○沈諸梁

遂行，仲由從而後，遇荷條丈人，問之。丈人責其不事農業，

○荷條丈人

而從師遠遊，因止宿於家，以鷄黍食之。命二子出，明日由

見孔子，告之。孔子知其隱者，使還見之。及至其家，已不知

所之。孔子命由御車適祭，至黃成山。在許州葉縣不知濟渡之

○長沮

處，見耦耕者，使由問津。乃楚隱士，長沮、桀溺也。諷由從避

○桀溺

世之士，耨而不輟。由以告孔子，慨然歎息。及衛境，聞靈公

○衛出

甞國人立其孫輒，遂適陳。蔡楚昭使人迎聘孔子，將往。陳

蔡共圍於野，絕糧三日，絃誦不輟。晚有長人入，皂衣高冠，



抱朴子

卷之六

畢

披甲持戟。咤聲動左右。由出戰。不能勝。孔子曰。何不探其  
脅。曲探之。其人力盡仆地。化大鯀魚。命弟子烹之。子貢請  
至楚求援。漢陰見一丈人。為圃入井。抱甕以汲。而灌。子謂  
曰。有械於此。用力寡而見功多。後重前輕。挈水若抽。其名  
為槌。丈人作色曰。聞之吾師。有機械者。必有機事。有機事  
者。必有機心。存機於胃。則純白不脩。神生不足。道之所不  
載也。吾非不知。義不為此。子貢愕然。慙俯而不對。有間。丈  
人曰。子非大博學以擬聖智。獨絃歌以賣名聲乎。汝方將  
忘汝神氣。墮汝形骸。而何暇治天下乎。子貢請問從東曰。  
原來是此老。  
在漢江常作漁父。偶種蕪菁。欲收子作糧。不久當挈接輿。

事接輿



游諸名山帶伏入峨嵋玉笥讐煉上清金丹豈終與世相溷耶

子往矣勿妨吾事子貢卑取失色入郢見楚昭昭以兵迎  
園始解孔子見一人狂歌從車前而過憑軾聽其歌曰  
鳳兮鳳兮何德之衰也來世不可待往世不可追也天  
下有道聖人成焉天下無道聖人生焉方今之世僅免  
刑焉福輕乎羽莫之知載禍重乎地莫之知避已乎已  
乎臨人以德殆乎殆乎盡地而趨迷陽迷陽無傷吾行  
吾行却曲無傷吾足山木自寇也膏火自煎也桂可食  
故伐之漆可用故割之人皆知有用之用而莫知無用  
之用也



仙真錄卷六

華新

孔子下車欲告以出處之義疾趨而去楚使闕辛曰此人  
曾爲鄭邑門吏曰陸通字接輿好養生怡性平王時佯狂  
不仕時謂楚狂躬耕以食其妻名索亦明理昭王使人齎  
金百鎰車馬二駟聘之適其妻往市使致王命笑而不應  
使者不得其辭而返妻從市歸曰子幼而爲義豈老而違  
之哉門外轍迹何深也通曰王不知我不肖遣使來聘我  
不許也其妻曰不從非忠也從之改行也不如去之乃夫  
負釜甌妻載絰器變名易姓遊諸名山食桂櫨實服黃菁  
子傳以爲仙去今忽來見而以靈鳥爲喻似知夫子者子  
責亦以漢陰丈人之言告命引至所居茅舍依然無言猶



熊宜僚

陳乞

齊悼

右歎息回車至楚昭尊以師禮欲封書社之地七百里令

尹子西曰其德不丁文武得據王壤賢弟子為佐非楚之

福也昭乃止孔子復返衛明年楚昭薨子章立楚昭白公勝

殺子西等因楚惠石乞曰苟南有熊宜僚者善弄丸可當

五百人得之可成勝令往告宜僚不許乞承之以劍弄丸

如故終不可致葉公沈諸梁入援白公兵敗自殺乞埋其

屍亦刎死孔子居衛二年六十歲開官夫人卒孔子不食而

泣七日乃止伯魚期年猶哭孔子曰嘻其傷之甚也伯魚

遂節哀齊自晏嬰卒大夫陳乞殺安孺子荼景公幼子逆立長

子陽生悼乞自為相未幾卒子恒秉政敗姓田氏恒酖殺悼公



陳恒

齊簡

樊遲

公華

此素王降  
世正音

卷六

華苑

立其子王公恒公迺謀愈急伐魯樹威季孫肥使冉求為將  
 樊遲為副戰於郎遂克齊師求既歸肥曰子之軍旅學之  
 乎性達之乎求曰孔子大聖無不駭脩求也猶未之詳肥  
 曰召之可乎對曰欲召之無小人間阻斯可矣肥使公華  
 諸臣以幣迎孔子去魯十四年至是始返見隱谷中薊蘭  
 獨茂歎曰蘭為王者香乃與眾草為伍止車援琴作獨蘭  
 操至登哀公待以告老夫之禮孔子歌丘陵以寓慨乃  
 序書自唐虞至秦穆刪古詩三千為三百曉喜讀易韋編  
 三絕序彖象繫辭說卦文言作孝經修春秋弟子蓋三千  
 焉身通大藝者七十二人而德行首推顏回字常心齋坐



原憲

公上過

忘簞瓢陋巷不改其樂。孔子曰：「回，家貧居卑，胡不仕乎？」對曰：「回有郭外田五十畝，足給饘粥；郭內田十畝，足為絲枲。鼓宮商之音，足以自娛；習所聞於夫子，足以自樂。回何仕也？」孔子愀然曰：「善哉！同之意也。」年三十二卒。顓臾盡白孔子勸之，當作思賢操謂有王佐才，宋人原憲受業孔門，安貧樂道。孔子嘗周以粟，辭，世稱其高。墨子初聞孔子在衛，與衆弟子行至郊，聞其邑號朝歌，墨子回車不入，館於外舍，以俟。出，館人公上過，見其貴儉兼愛，尚賢明鬼，非命尚同，願為弟子，問何所來。墨子曰：「予所著書十六卷，凡六十一篇，欲人諸藏，以垂不朽。聞周之微藏史老聃者，免而居家，特



往毫末見已西遊於秦故欲就正孔子過曰返魯矣墨子  
遂行過蕞郛相隨至魯拜見以十六卷質之就有道而正  
受多益以謙

成石父授道墨子本欲引之歸正奈何自足其智首開  
異端深爲大道之賊

孔子之生原不王於用世若得位行道不過如堯舜復  
生何能刪贊六經垂教萬世乎其所如不合斯後民之  
幸也

墨子旣服聖人之言而不能改行當擯之使不得仙然  
拔宋却楚於聖祖根源猶爲有坊老君所以優容也



。墨班國智絀暴楚。左陳教聖滅強吳。

孔子曰願聞其要墨子曰要在乎仁義子曰仁義人之性

耶墨子曰然曰請問何為仁義墨子曰中心物愷兼愛無

私者仁義之情也孔子曰噫幾乎後言夫兼愛不亦迂乎

無私焉乃私也吾子若欲使天下無失其牧乎亦放德而

行循道而趨已至矣又何偈偈乎搢求仁義若擊鼓而求

亡子焉意吾子亂人之情也墨子深服其論急於濟世寵

突不默遂去魯歸宋有禽滑釐者善辯見墨子布衣樸素

乃問曰錦繡絺紵將安用之墨子曰今當凶年有欲與子

隨侯之珠者隨侯救傷蛇後有欲與子一鍾粟者子將何

口隨侯

口喚之不肖  
口其僻甚矣

禽滑釐



向巢

公輸子

依智賢

吳女

鮑老

擇滑釐曰取粟可以救窮墨子曰哉然則惡在事乎奢也  
長無用好未淫非聖人之所急也滑釐誣其辯遂師事之  
戊午秋宋向巢帥師伐鄭己未春鄭人導楚師侵宋軍於  
品楚將乃魯依智氏之子名般同號公輸子其父名賢驥  
吳女而生般於定公之甲午五月初七日午時是時白鶴  
羣集異香經月不散人咸奇之即大庭氏託生於此七歲  
嬉戲不學父母憂之迨十五歲幡然自改從學於子貢不  
數月妙理融通憤諸侯僭竊因遊說列國志在尊周而計  
不行歸隱於泰山南之小和山海跡數年偶出遊遇鮑老  
軍從膝譙談雕鏤刻畫之事服性最巧遂注意摩挲學欲令



雲氏

魯班

木為後復  
見於元時

魯子比

中華文物煥然心語人曰不規而圓不矩而方此乾中白  
然之象也規以為圓矩以為方實人官兩象之能也矧吾  
之明雖能盡制作之神亦安必天下後世咸能如吾之明  
耶明不如吾則吾明窮吾之技亦窮矣爰制規矩應繩使  
世之經營宮室駕造舟車與置設器物以全民用者知不  
不越其一成之法娶齊瑯瑯雲氏之女亦神巧天授妙難  
枚舉較之於班殆有佳焉內外贊襄用享大名於世牝之  
巧者人皆歸之班雲時齊魯旱蝗為災雲氏聞墨子能作  
木為飛三日不集亦作數千令之自飛摩風迴翔與擊牽  
蝗殆盡魯公子比為母吳孟子足痺不能行求班造小車

有此佳偶



△吳孟子

乘坐班作水人為御機關一發自能曲旋進退謂之任意

車後居鄴地山中屈名楚惠幣聘為大夫潯陽江多風浪

班揀木蘭樹刻為舟得以穩渡潯陽州上名產林樹故名木蘭州吳聞班

仕於楚使人至魯賺其父賢入吳賢不願往殺於肅州城

南班聞之痛恨作一大仙舉手東指吳國大旱三年吳人

卜之不得其故往問公孫聖聖嘗與被裘公遇赤松於窮

窿得道見眾來問答以魯班所為遣使齎禮謝罪班知久

違天意遂斷木仙之手吳中大雨楚惠用班為將伐宋及

睢陽宋人驚恐墨子輕身往見班司聞子之能欲藉以殺

未君可乎班曰吾義固不殺君墨子曰是不殺卜而攻眾

即今匠者

公孫聖

墨子此節



晉昭安來  
或闔閭之

然良工終  
不寢絕墨

也

收拾魯班

女偶

卜梁倚

也敢問何義班不答墨子請較於主前班設攻城之機變  
者九墨設脩九距之班之攻械幾盡墨之守禦有餘班曰  
知所以距子矣吾不言墨曰知子所以距吾矣吾亦不言  
楚惠問故墨曰公輸之意不過欲殺臣宋莫能守始可攻  
也弟子禽滑釐等三百人已持臣守國之器在宋城以待  
惠曰吾聽子無攻宋矣遂解圍去是年天雨碧於郢木幾  
泰山帝君欲建蒼光宮召班監督其事班遂辭楚往泰岱  
去宋景公深夷墨子倚為國之鎮從而受學者愈眾有女  
待名偶專於拙攻不事華美有卜梁倚者心務馳外喜於  
誇張墨子曰女偶有道而無才梁倚有才而無道盍相和



副墨

子之

南伯

子葵

鉏商

下  
者亦當

之庶幾兩得遂以為配其後果皆有成相携至魯更號曰

副墨之子南伯子葵見偶年雖長而色若孺子知其有得

乃往就學偶教以撝寧之道孔子在魯取魯史筆削而成

春秋明年庚申哀公狩於大野叔孫氏家臣鉏商獲一獸

脰身牛尾角端有肉怪而殺之以問孔子孔子往觀曰麟

傷哉

也視其角有赤綬痕知母昔所繫數曰麟有王者則至今

孰為來哉友袂拭面涕沾袍神曰吾道其終窮矣使弟子

埋之

鉏野故城東有獲麟堆廣四十步

援琴作獲麟操曰

唐虞世兮麟鳳遊今非其時來何求麟兮麟兮吾心憂

春秋至此遂止

載二百四十

與易詩書禮樂號為六經闡



韓崇

山隱君

具是仙境

八王瑋

市亥

問順事遊樂建長樂宮於國中築高臺於姑蘇山西門外  
爲九曲塘以通山路太湖周八百里中有峰七十二惟洞  
庭二山稱雄西峰曰縹緲下有林屋洞其深莫測閭閻教  
人入洞探視無應有者楚人韓崇少好道曾師渣岬蔡真  
人楚莊時爲守汝南雖仕宦獨居清簡後棄職散遊採藥  
於洞庭聞吳募人探洞遂自言姓名曰山隱居願入林屋  
乃裹糧而進約行十七日始達明處有額曰左神幽靈洞  
天中有宮殿侍從見上坐如王者崇拜啟問王者曰子嵩  
山王瑋玄甫也此爲中嶽密室閭閻傾陷無辜數萬不久  
國滅矣崇問能獲否王曰好武凌隣身且不保親至萊夷



求得靈寶度人經或免此難昔太一元君造此經度世藏  
於勞山又以玉簡授崇曰神禹治震澤投於包山者可持  
報以爲證留崇飲崇求保命之道王授流珠丹經教其用  
洪中有隱遁解形導化泥丸紫力之術謂崇曰子行此道  
無妨居世功成自當軒舉命二官吏送出崇拜謝而退見  
有金沙龍盆魚四足而戴角在路問官吏曰此實何品真  
仙曰即中華帝君金蟬子也南遊荆楚爲侍郎西遊天竺  
爲禪客今歸隱於此假姓曰王也送至洞口鼓一陣狂風  
吹崇離洞丈餘落地呈簡并述所以闔閭恐視簡文皆蚩  
牛莫識因號崇曰靈威丈人崇辭入大霍山闔閭聞孔子



博識令齋簡以問了曰太禹之素書也丘聞童謠曰

吳王出遊觀震湖龍威丈人山隱居北上包山入靈墟  
乃入洞庭竊禹書天地大文不可舒此文長傳百六初  
若強取出喪國廬

還報大懼建馬城宮於林屋洞側招道士諷誦拔罪以禹

書并孫武十三篇藏於姑蘇臺中因度人經遠在齊國不

能親求禹子孫必求之以成吾志時太子終累病卒立

波子夫差爲太孫乙巳歲越允常薨子勾踐立吳欲乘喪

伐之子胥諫不聽自引伯嚭而往勾踐禦之於檣李闔閭

傷右兄將指卒於軍夫差嗣位葬於破楚門外之海湧峰



穿山為穴銅棺三重王昆之流魚腸劍殉焉其他劍甲三

千副金玉之玩充物其中既葬盡殺工人以殉後見有白

虎踞其葬處因號虎丘識者以為金氣所現夫差命員詔

練兵於太湖故名訓射於虎丘西有射瀆丁未春吳從水道攻

越時越中多盜大夫文種聞有客自吳來曰范蠡教民

排戶蓄犬以守夜犬性妬盜至則吠以警睡種薦蠡於王

用為大夫妻以宗女勾踐欲乘吳未發先伐蠡諫曰兵者

凶器戰者逆德上帝禁之且吳志憤力齊宜斂兵固守勾

踐迎戰於夫椒山太湖中員詔以餘艘順下勾踐奔回城自

保吳兵圍之汲道絕蠡曰山頂靈泉深冽即有嘉燕可捕

又種

仙何能  
丙之



以報。吳奪其氣。勾踐命取魚獻之。吳驚以為神。夜退。

少伯本鎮其見

里。勾踐曰：「以不聽子故至此。奈何？」蠡曰：「持滿者與天定。傾

者與人。節事者以地。卑辭厚禮以遺之，不許而身與之市。

勾踐諾，乘間奔會稽。閱甲楯，止五千餘人。種謀請成。勾踐

令種行成於吳，歸美女、金璧。夜造，蠡營獻之。次早，蠡先入

道意。夫差怒，不允。蠡曰：「然其君請為臣妻，請為妾，固得越

矣。」乃許其成。員入諫，已令班師。種歸報。勾踐與夫人往種

願。守國。蠡請偕行。蠡引見，哀辭乞食。命其養馬，執役三年。

見六王

絕無幾微怨恨。夫差命擇吉，赦令歸國。蠡卜曰：「今日戊寅

數

以郊。時聞信，戊為囚，日而郊。復尅，戊為天網四張，祥反為



勾踐功  
包

何山名沙

華表

殃之象既而子胥入諫遂止其赧夫差忽有疾蠡卜曰夫  
差病至已巳日當戒壬申日必愈王入求嘗其羹言病愈  
之期勾踐如教行之病果漸愈召勾踐宴於文臺而許還  
國員沙諫不聽親餞於蛇門外勾踐至越念會稽之耻命  
蠡築城自警蠡規造新城包會稽山於內既成中忽湧出  
一山其象如龜蠡曰城應天象故降崑崙以啟霸也因名  
飛來山亦曰龜山即紹興府東寶林山山巔立靈臺以望靈物勾踐自諸  
暨遷而居焉以蠡為太宰蠡巡邊至北鄙前溪峴山即湖州  
峴山遇師計然問何來曰聞子築城我踐瑯琊東武山一石  
飛王以應越之霸徵但越王烏象狼步不可與門安樂故



西施

鄭旦

處女

陳音

東隅汝早退，可寧而別勾踐，卧薪嘗膽以圖復仇。夫差欲  
 改建姑蘇臺，購材木勾踐遣木工入山採伐，一夜天生二  
 神木，大二十圍，長五十尋，勾踐親往，設祭伐之。文種浮江  
 往獻，用以建臺。五年而後成，蠡復訪國中得二美女於苧  
 蘿山下，一曰施夷光，世號西施一曰鄭旦，或謂皆越薪女聘習歌舞禮  
 節，益以侍者六人進吳。夫差寵愛異常，越以歲獻諸貨，夫  
 差與粟萬石。次年文種計以精粟蒸而償之，夫差徧使民  
 播植穀，俱不生。吳民大飢，越便欲興兵。種曰：「其忠臣尚在，  
 蠡曰：「時不遠矣。」願益習戰以待。臣訪南山處女，精劍術。楚  
 人陳音善弓矢，今在國中。王其聘之以教衆。勾踐遣二使



得丹之劍  
亦然

神哉

齋厚幣往聘使者謹致王命處女起行至山陰道有雲夢  
通臂白猿善接飛羽化老翁相試處女刺之嘯而遁去此  
蓋玄女化身以一真岐伯在越周旋故亦現跡來助勾踐  
遜坐請問攻擊之道處女曰內實精神外示安佚見之如  
靜女奪之如猛虎布形候氣與神俱往捷若騰兔追形逐  
影縱橫往來目不及瞬得吾道者一人當百王請試之勾  
踐命武士百人攢戟以刺處女連接其戟而投之勾踐敬  
服使教其軍士三千人陳音亦至王問弓弩何所始音對  
曰弩生於弓弓生於彈彈生於古之孝子不忍其親為禽  
獸所食故作彈以守之因有斷竹續竹飛土逐<sub>古肉</sub>突<sub>字</sub>之



△弧父

△飛衛

△紀昌

△琴氏

△楚三侯

固有神人  
助強隣自  
可催

△琴牢

歌至神農制為弧矢神昇精於射號為繳父後有弧父者

名績長得其射經傳於飛衛衛傳於紀昌能貫蠹之心昌

傳於琴氏琴乃橫弓着臂臂在施機設彊名之曰弩傳於

楚三侯熊渠三子餐由基得其巧能穿楊貫札臣之先人受其

道弩之所向鳥獸不及飛走也勾踐亦使三千人習之音

授以連弩之法三矢連續而出百日盡其巧音病死勾踐

厚葬之名其山曰陳音在山陰縣西南四里處女教習進退嫻熟辭

歸南山贈厚禮不受蠡遠送玄女謂曰子尚有因緣在齊

破吳即去可也蠡領命伍員聞越習武流涕人言夫差有

伐越之意時孔子在魯門人琴牢自齊來言陳恒用國書



上國書

△子張

△子石

為將欲伐魯孔子曰吾欲屈節於常以救魯二三子誰能

為丘出使者子路請行止之子張

黷孫

子石

公孫

請往不

許子貢離席而問曰賜可以去乎子曰可矣子貢往齊知

陳恒欲謀國憚高國之黨乃說曰賜聞憂在外者攻其弱

直中權奸隱衷

憂在內者攻其強今若移師於吳大臣外困於強敵而相

國專制齊國令計之得乎恒大悅子貢至吳說以伐齊救

魯大彰霸功夫差以越為慮子貢請東行入越勾踐迎見

子貢曰有報人之心而使人知者危也當親率軍從以

伐齊勝必臨晉越可乘其間負從之復北見晉定公使脩

吳子貢乃復命夫差徵九郡兵伐齊勾踐遣將率衣水犀



之甲者三千以從，則稱疾不行。夫差晝夢益炊不熟，餽插

宮牆，後宮聲若銀工前庭。梧桐橫生，寤言於羣臣。召公孫

聖於陽山，問之聖極。言亡國之兆，責詔阿諛，不忠。夫差怒

命力士擊殺聖。齊國書迎戰於艾陵，大敗。簡公請和，命齊

魯復修兄弟之好。夫差由瑯琊至即墨，登勞山，求度人經

巖洞間，得簡萬餘視之，皆蠅頭細字，模糊莫辨。尋問韓崇

已往中原救病，乃分載四車以歸。初秋，梧楸王茂至句曲

新宮，聞羣兒相和曰：

梧宮秋吳王愁

惡令向問兒曰：緋衣童子倡歌，旋復不見。慈心過人，欲大



瞻洩天機

班之智為墨所誡，此墨之所以自足也。若非泰山之石，班與墨當不兩立。

闔閭欲探林屋，恰是韓崇得道之機。

范大夫既為越而出，何始不收其敗。乃於敗後圖之，豈勾踐數應看馬嘗糞耶。

玄女自商末之後，頗覺寂寂。至此一顯，而劍仙一派開其宗矣。三千人中必有一二得其精微者。

子貢一出而破齊，右魯亡吳，霸越聖門言語科推之為首。宜矣。蘇張應遯三舍。



種竹養魚致巨富  
高山流水遇知音

夫差携西施回勾踐來朝賀欲增封之員以諫夫差怒賜

以屬鏹之劍員遂伏劍死命懸其頭於胥門

胥門有鐵環相傳為懸頭

者以而不靡

盛其屍以鳴夷之器

馬革為盛酒榼

投於江中載其血於

提卣

三年故視七為碧

土人見賈旻依潮往來蕩激崩岸私取埋

於吳山

因稱胥山在杭州府治

夫差發卒數萬築邶城

揚州城使太子

友宗國親帥兵由邶溝北上大會諸侯於潢池勾踐從海

道通江以襲吳友敗死蠡屯太湖焚姑蘇臺夫差方與晉

爭載書名次聞報大驚速盟而返與越合戰大敗令誣至

越軍求成蠡曰尚未可也

乃許其成

魯人獲麟之歲

齊陳恒弑簡

吳友

同碧



曰齊平

子韋

司馬規

冠先

公立其弟驚公平孔子朝於哀公請討其罪恒亦懼討悉歸  
魯衛侵地結好晉宋明年熒感守心墨子入見景公曰心  
為宋地分野凶星臨此君當禳之公以為憂召司星子韋  
問之韋曰君可移於相使當其禍公曰相吾之股肱韋曰  
可移於民公曰君者保民曰可移於歲曰歲既民困吾誰  
與為君韋曰君有至德之言二熒感當退候之果徙三舍  
於是司馬規作轉宿篆如葉宋求賢愈切墨子薦冠先於  
公即計然所言涓子也涓子居睢水旁釣魚自娛好種蒔  
食其葩實百餘年人無識者以為宋人皆後輩故自號冠  
先景公因三召不至親造其廬坐而不顧公跪而問道終



公明子

薛瑗

衛莊

不一言公怒命武士殺之明日報冠先踞坐城東門鼓琴  
自若公今射之不傷擒之皆禁不能動如是數日始去宋  
人恐其為禍皆奉祀之墨子見景公殺機復讎亦隱去與  
冠先入蔡知衛難將作命弟子公明子臯探之臯過宋見  
大夫薛瑗有子十人六人僂跛攣臂顛癡一子獄死三子  
盲聾喑啞四問大夫所行如何而至此瑗實以喪事告曰  
見賢如讎喜人所失臯土曰心行如此須至滅門矣瑗范  
然稽首曰寧許改乎臯曰改往修來轉敗為成昔先生傳  
赤松誠箴能依此行自有驗也開篋授之而去初衛世子  
蒯聵欲殺母南子不果出奔於戚輒立拒父於外蒯姊為



孔悝

集高

卷一

書

大夫孔悝之母賁陰謀於姊叔悝而逐輒子路時為悝家臣聞悝被劫將入城柴高自內出曰政不在子不必與其難子路至臺下欲舉火焚臺武士出擊斷其纓子路曰吾聞君子死不免冠乃結纓而死孔子聞衛亂曰柴也其歸乎田也其死乎未幾衛使至曰新君敬獻奇味孔子啟視則肉醢遽命覆之曰此仲由之肉也命理其醢顧謂弟子曰由感智精而生故尚剛好勇親涉衛難自此每雷鳴孔子中心惻怛因感而病子貢請見孔子方負手曳杖逍遙於門歌曰

泰山其傾乎梁木其壞乎哲人其萎乎。



慨然矣

子夏

公羊子

既歌而入當戶而坐子貢聞之憂遂趨入孔子曰賜爾來何遲也夏后氏殯於東階之上則猶在阼也殷人殯於兩楹之間則與賓主夾也周人殯於西階之上則猶賓之北而丘殷人也疇昔之夜夢生奠於兩楹之間夫明王不興天下其孰能宗子子殆將死也寢疾七日復夢空中五雲騰彩一人雲冠黃服修髯廣頤長身豐下拱子曰素王功行已完迎請歸位孔子方應曰唯忽水湧於庭而寤歎曰子周流列辟今已老矣流水更何徵乎夫水遇坎而止在此日也因召子夏以春秋授之曰吾書後有秦厄子當擇人口授以傳世

子夏授齊人公羊子高魯人穀梁子亦二人依經作傳

孔子遂卒年



穀梁子

七十四歲

史記作七十三

時壬戌四月巳丑

今之二月

哀公以璜

玉賜葬於郭之北泗水為之却流弟子皆為心喪三年惟

子貢廬於塚上手植楷木數枝取其文理端正也至六年

然後歸魯人懷孔子之德從塚而居者百有餘家因名孔

里又田有左丘明者微眇一目楚左史倚相之後博文善

記因春秋作傳是為左傳國語公明子臯往來衛魯既久

將還復命至宋見薛瑗諸子疾皆瘥歎曰速哉天之報善

也過於影響瑗拜上千金臯曰可留除惠於人乃辭至蔡

報子路孔子之終墨子悲慘數日復令公上過往東南觀

變是秋越復大舉伐吳拜蠡為上將軍以君子六人搗

左丘明



王孫駱

其中軍吳大敗從橫山進兵即起王孫駱肉袒乞成蠡曰

天以吳賜越敢違天平忽湖水發城東瀉開一角蠡曰子

胥開道也有鱗鱗隨波而入越兵從之入城後名鱗鱗門

名葑門蓋蠡借湖水夫差奔陽山曰我昔投公孫聖於此

破城託言掩已功跡赫發尚有靈響否試呼之三呼而三應越兵追及圍之天差自

殺殺人以禮葬於卑餘杭流其三子於龍尾山勾踐

撫定吳民北與諸君會於舒致貢於周時敬王已崩在位四十

元王

年四太子赤立是為元王王命越為東方之伯還吳見度人

經以質蠡蠡作顯徵神曰鏡觀其字體太而可繹勾踐命

全真道士虔誦以度陣亡將士蠡曰此經度人者非度鬼

反人須藉  
臣金度故



魂也乃已之置酒文臺語亦在列勾踐曰子吳太宰也敢  
相屈乎命斬之樂工作破吳之曲羣臣大悅勾踐無喜色  
蠡知其疑忌歎曰功高不可以久處也次日乞歸江湖勾  
踐泣下曰奈何棄去留則與子共國去則妻子為戮蠡曰  
死生惟王臣不能顧是夜乘扁舟出齊女門涉三江而入  
五湖齊門外勾踐聞之愀然曰蠡可追乎種曰蠡機深處  
遠鬼神不測焉可追也種出有投書者啟視乃蠡所寄也  
子不記吾言乎吾師計然言越王之相與其始祖神禹  
相似長頸鳥喙而狼步必能興霸但心存陰險忍厚如  
功可與共患難不可與共宴樂子今不去禍必不免之



種木之信勾踐回越念蠡之功封其妻子於苦竹城在紹興

鑄金像肖其形敬之如生久不行滅吳之賞種念蠡言稱

淫了 惡極

疾不朝勾踐來問解劍而去種視之則屬鏤也深歎命伯

真神人復笑曰百世而後必以吾配子胥遂以劍自盡葬

卧龍山因號種山明年海水穿山魯家崩有見員種逐浪

而出今錢塘江潮洑重勾踐聞墨子之賢居於蔡往聘不

應公上過還勸曰師不欲行道耶墨子曰越王能用吾言

行吾道翟且量腹而食度身而衣比於賔民未敢求仕否

則雖以全越與吾無所用之况少伯師祖已去越適齊我

當往候遂留諸弟子於蔡獨行而去范蠡乘舸為浮完於



鳴夷子皮

陶朱公

朱竹性向

西南移種

冰象北隅

池中聚石

為鳥以

蒿

九方騷

王良

鸞徽

韓公子哀

仙真衍泥卷六

華藏

包山潛使人入苦竹城取妻子同適齊更名鳴夷子皮

言避

子胥之死後用此也見齊平公仕為大夫未幾欲以為相曰大明之

下不可以久處也乃飄然遠引隱於陶山

濟南肥城縣

號陶朱

公之誅種竹養魚蓄五畜以生息獲利千金若將營財以

養老有致富奇書遺於世是時各國臣強晉有六卿

智范中行

韓趙惟趙鞅子簡最賢然好田獵淮人九方騷弟子王良

字子

期識馬性精御藝王子鸞徽薦之為鞅御登車攝轡勞逸

若一鞅善之韓公子哀聞良名求學其術盡授之良於夏

夜露坐仰見一大星閃鑠若飛忽流至前化老人謂良曰

子乃趙祖造父為修王御死後精氣升為五星在天何金



晉渠處

董安于

河中居止伯樂能識馬已為掌馬星實稱孫陽也子與吾

道合舉為天帝馭官當速赴此任言畢仍上歸星位明日

良無疾而逝河漢中有四星曰天驕旁一小星名王良趙鞅酒酣卧五日不甦

諸臣皆懼鞅初有兩白驃甚愛之陽城胥渠處夜叩門而

謁曰臣有脇疾醫者教曰得主君白驃之肝病則止不得

則死左右曰甚矣渠處之欺君請刑之鞅曰焉用殺人以

殺人○適自教也

活畜命殺驃取肝與之病即愈至是董安于召胥問醫所

在胥往延至問姓氏曰扁鵲舉請入視出曰血脉病也治

之何怪秦穆公會七日而寤漢主類此不出三日病必聞

間必有言也居二日鞅果寤曰夢至上帝所甚樂與日神



百魯

國運方隆  
亮有兆趙  
素同夢本

果白  
人老

子所

遊於釣天廣樂九奏萬舞忽一熊來帝賜弓矢命射之熊  
 死又一熊來再射殺之帝甚喜賜我筭皆有副見吾兒伯  
 魯在帝側帝屬我一翟犬曰及爾子之壯也以賜之復言  
 晉國七世而亡定出哀幽烈嬴姓將大敗周人於范魁之  
 西○嬴趙姓周人衛也晉亡後余思虞舜德勲將以其胄女  
 配爾七世之孫爾其誌之武靈王為七世孫安于書而藏之以扁  
 鵲之言告鞅賜鵲田四萬畝館之廣宅而奉養他日鞅出  
 有人當道辟除不去曰吾欲謁於主君從者以聞鞅見之  
 悟曰噫吾夢中所見太白老人之子名晰者耶當道者曰  
 帝命主君射熊羆者晉有大難主君首之今滅二氏其祖



補遺

爲能熊也。帝湯二筭有副者，主君之子將克二國於翟。以  
 翟犬賜者，翟爲代之先。君子且有代也。臣謹致帝命。君之  
 後當王北方，可祀我於霍山。後有晉陽之難，臣願助君一  
 臂。言訖不見。鞅命祀霍山爲太嶽。元王末年，姑布子卿至  
 晉，謁鞅。相諸子曰：「皆庸材，適幼十無卹自外入。」翟婢生鞅，知果賢後  
 立。子卿曰：「此真貴人，天所授也。」鞅笑而不言。至暮，命酒對  
 談。鞅曰：「子遊四方，見有大異流俗者乎？」子卿曰：「在都之三  
 折肱，醫者真異人也。但匆匆有欲行之色，明早可速留之。」  
 鞅曰：「此即古神醫扁鵲子已厚養於此。」子卿曰：「神仙豈爲  
 人養？養鞅猛省待旦，命駕問子卿至其門守者曰：「師與一

從姑布口中寫出扁鵲之去

翟婢生執  
知果賢後



道長昨晚出門未回子卿曰去矣不復返鞅快快而回居數日子卿談及蔡之史墨博識通微鞅曰君其為我聘之

子卿即為賣聘幣至蔡已回宋國至宋尋問又遊於他處

冠先

借墨子了引出

光

矣子卿徘徊江汝間欲覓一有道者同去偶遊宋之都門見一漁者面多光彩因問旁人漁者為誰有長老曰上蔡人常賣魚於市積八九十年而容轉少稱是故時任光子卿追拜之問能就聘入晉否光慨然相從悉受聘幣散諸貧苦子卿先入報鞅整衣出迎尊上座問其長生丹藥光晒曰吾之服食不過延年却病耳若欲不死則未能也鞅心欲仙道聞此意與索然相接遂踈去幾光與子卿退隱

即此使妙



貞定王

相梯山贈款以赤苓餅消子始為寇先後為任光周貞定王名介元十

一年歉病篤謂無卹曰有難惟晉陽可恃言畢遂卒無卹

代立衰葬父於臨水界塚上常有赤氣騰起勿成樓閣之

狀服赤苓餅之故晉侯憤四卿之專范中行已逐去乞兵齊魯以討之知

智瑤

伯孫合韓趙魏反攻晉君奔於齊立昭公之曾孫驕公

晉哀

恐齊國問罪遣大夫俞山品端伯聘於楚回至漢陽江口暮泊

俞瑞

山下雨過月明命童子焚香取琴而彈曲未終瑞止琴命

從人巡視崖間一人曰採薪歸晚欲待月而行故竊聽雅

審音至此

操瑞曰隱君子也迎人叙禮問曰不才撫琴心有所念能

不操知音

知否其人曰試請度之瑞整絃復彈注想於山其人曰美



鍾徽

成連

方子春

哉洋洋乎意在高山。瑞又注意於水。其人曰美哉湯湯乎。  
 志在流水。瑞推琴而起曰子審音至此世無其匹。敢請氏。  
 族答曰鍾徽字適。開指音精妙不同凡響。必有所授。瑞曰。  
 初學琴於成連先生三年而成。至於精神寂寞情之專一。  
 未能也。成連曰吾之學不能移人之情。吾師方子春在東。  
 海中乃裹糧泛舟至蓬萊山。留瑞於山中。刺船而去。曰將。  
 迎吾師。居旬日不返。其時但聞海濤宵冥。羣鳥悲鳴。歎曰。  
 先生將移吾情也。乃援琴作水仙操。歌方畢。先生偕一老。  
 師抱掌而至曰藝成矣。當得仙道。但塵緣未盡。再來乃可。  
 仍泛舟而還。徽曰仙傳固自迥然。臨別瑞握手曰知音難。

妙

深士臨摩鼓琴。

可為知音者道。



齊既去  
更勞誰彈

張孟談

原過

陰能今已  
極所望惟  
神明

哀王

思王

得他日當同訪於蓬萊作世外交端復命後知智伯有代

言之志遂辭歸訪微則已死乃摔琴不復鼓智伯挾韓魏

共攻趙氏無卹與謀士張孟談等走晉陽家臣原過在後

途遇神人授青竹二節曰爲我救無卹遂不見原過追告

無卹剖其竹中有朱書曰霍山神子晰奉上帝命三月丙

戌使汝滅智氏無卹私喜三家合攻晉陽決水灌城不浸

者三版襄子憂曰闔城將爲魚鱉霍山神其欺我乎孟談

乃縋城私見韓魏說之友攻智氏獲智伯斬之是見怡而

戊貞定王十六年三月也王在位二十八年崩長子去疾

立哀王三月弟叔弑之而自立思王五月少弟嵬復弑之



考王

趙浣

晉幽

田盤

卷六

莊

鬼自立王考甲辰四年趙襄子卒有五子不立命立伯魯

之孫浣為世子時晉哀公薨子幽樹立三家共分晉地僅

以絳曲沃二邑為公食邑齊曰幽權亦使宗族盡為邑大夫

而據之天命已改周權雄各樹國

六經既定禮樂修明道有傳人萬世之綱常已正行瀟

復位歸山義農以後諸聖彙其歸諸賢宗其極真是功

同天地

伯子學琴一節超塵繼俗閱之如服水玉散心骨俱涼

至鍾期既死碎琴不鼓深惜知音難得吾於學道者有

同慨焉



○○明國運史僭入秦 ○開聖道柏皇臨凡

周桓公

周考王封其弟揭於河南以續周公之官桓公考王在位十

威烈王

五年崩子午立

是為威烈王

趙桓子浣卒子籍立而韓虔嗣韓

趙籍

魏斯嗣魏齊田和嗣田四家相結益深威烈王二十三年

韓虔

雷擊九鼎三晉以為周運將終遣使求為諸侯王不能制

魏斯

即賜韓趙魏為諸侯三家廢晉靜公為庶人

唐叔至靖凡二十九世

田和

魏文侯斯賢而下士訪於李克對曰聞鄴人犢子少在黑

晉靜

山採松子茯苓為饌且數百年時壯時老時美時醜此未敢

李克

遽謂其賢也文侯問其所為克曰犢子常過陽都酒家有

此非李克  
薦賢乃史

一女眉秀而連耳細而長眾以為天人之相會犢子牽一



家特表王

子耳

陽都玄

仙真行記卷之

華藏

黃犢來酤女見而悅之一日隨犢子去隔宿同返取桃李

皆連塊與家人食味極甘美復隨犢子去父糾多人追逐

女何得仙之速

之二人共牽犢而走其行足不踐地速如飛鳥明因復賣

桃李於市酒家復逐恒不能及遂任之雖冬日桃李棗栗

新鮮可愛在市中數十年夫婦俱他往今有見在礪山下

皆謂其得仙道焉文侯遣使驅之與接輿相見入山犢子知之携女奔秦隴

路逢一人亦與一女同行觀其神色不凡因邀坐石上叩

問其人曰子楚狂牛陸通也遊崑崙之丘見風景清幽將

挈老妻徙於彼犢子問其得道之由通曰子避世入我蜀

與妻安居自樂高卧松間以受霞氣脫憤掛松枝有鶴啣

介試

與妻安居自樂高卧松間以受霞氣脫憤掛松枝有鶴啣

與妻安居自樂高卧松間以受霞氣脫憤掛松枝有鶴啣



有吾

以天子文  
慶而迎耳

去水濱子遂之鶴棲於身畔戲跨之忽負子飛起因得

朝見天真皇人既而翱翔於崑崙是丘實惟帝之下都有

神有吾司之其神與吾同姓常顯法像人面虎身虎爪九

尾司大之九部及帝之圖見子問今之治天下者何子對

曰猶涉海鑿河而使蚊負山也。有吾然之因與吾志合故

斯言良是

往就之犢子曰無處不佳何必捨中夏而去接輿拂然曰

何言之鄙也且鳥高飛以避網繳之害鼯鼠深穴乎神丘

○狂之志意如此○

以避薰鑿之患子方遊令渾漠之外又何論天之下乎犢

起下文絕不老手

子愧謝猛見山頭隊仗旌旗紛紜隱現問何仙官接輿曰

周威烈王在位二十四年崩上帝勅王為天曹遣其下迎



以奇文

周亮爲秦嬴真人。入太清明謂諸聖子會於蕊珠宮。會見金母。贈其號曰太素。年已一百九十餘矣。正在談論。有官吏二員。羣身而前曰。真人奉請。一會接輿。令妻與陽都女待於林間。與犢子上山。及半。真人迎候。敘問。犢子接輿曰。即皇甫犢子也。覩周真人。但握手立談。不邀入洞。因問。匆匆將欲何往。亮曰。當今大國凡七。齊楚魏趙韓燕秦。強畧相等。越雖稱王。日就削弱。至於宋魯鄭衛。益不足道。惟秦僻在西戎。中國擯之。不與會盟。國用不費。而天地瑞氣。又鍾於此。今早上帝有命令。我注祖師金母處。會集諸真。降瑞於秦。以兆王迹。接輿曰。帝命不可淹留。請君速駕。子

番相遇

又因傳寫

此事亦



宋姬

眉壽

安王

接踵來也與犢子告別下山亮乘雲車而去接輿夫婦亦  
即相別犢子居秦隴年餘周真人常巡上山宴會因念故  
鄉風景復帶陽都女南行聞王子喬在桐栢往訪其道初  
子喬獲妹觀香人陸渾修道積三十九年尸解去惟衣履  
存焉其兄眉壽宋姬所生與觀香同母聞妹得仙捐素繁  
華人山世行真修觀香降而度之至是子喬迎弟妹入桐  
栢團聚上帝降勅爲紫清宮內傳妃領東宮中候真王夫  
人正設家宴慶賀報犢子陽都女至邀人相款自此留居  
東南後至周亮雨金事畢來桐栢候謁子喬犢子始與復  
遊秦隴周自威烈王崩子安王驕立是歲盜殺楚聲王子

引出下文



楚聲

楚悼

齊康

魏斯自為

世逆又敢

豈惡田利

何以冒得

賢者

口魏武

口齊桓

口秦靈

口秦獻

口齊威

天命將去

周於公筆

人金德

烈主

韓哀

韓懿

仙道行記卷六

悼王立齊田和深與魏結好求轉請於周安王乙未歲始

賜和為齊侯田和太遷齊康公資於海上太公至康凡二十九世魏文

侯薨子擊立武田和篡二年卒子午立田和秦自哀公薨六

傳至靈公作吳陽上時祭黃帝作不時亦祠黃帝至太子

師隰立公隰即齊桓公午嗣位之年後六年午薨子因齊立

威越二年安王崩子烈王喜立是歲韓哀侯被弑立世子

咎山代明年趙成侯立秦獻公之丁未十一年也十月豐

鎬之地兩金三日有司具奏公問羣臣莫知其義乃招致

賢士詢其休咎老子初與冷倫東歸令倫往仙華自人來

子國為菰市時比東投身於老菰家為子性至

莊莊



口遺成之

順孝奉二親極其甘脆年七十言不稱若常衣斑綵為戲  
或弄雞於側或詐跌年嬰兒啼以娛親意二親年皆百餘  
老萊子而終喪葬盡禮隣國勉學老萊子之孝素著書十五篇言  
道家之用仲尼嘗聞其論而感然改容萊子以勞山為壽  
地露處莽年齊亂與妻子逃耕於郢之蒙山陽莞葭為牆  
蓬蒿為室枝木為牀著艾為席飲水食菽墾山播種或言  
於楚王王駕親至其門萊子方織畚王曰守國之政孤願  
順先生萊子曰諾其妻樵還曰子許之乎曰然妻曰妾聞  
食以酒肉者可隨而顛捶可擬以官祿者可隨而鈇鉞妾  
不能為人所制投其畚欲去萊子知其志乃同至江南而

為衆事



止曰鳥獸之毛可績而衣其遺粒足食也未幾復歸毫號

老丹氏

時陳人亢舍子姓庚桑名楚來學十年偏得真傳

庚桑楚

退隱於毘陵之孟峰但好酒能知未來弟子甚眾以其矜

應前

起下

授齊人孫武與蒙人莊子交遊志趣相合著書九篇

後名同靈

經其累曰

全形抱生。心虛道居。體合於心。心合於氣。氣合於神。神

人合於無。抱一勿失。能止能已。舍人求已。翛然侗然。

卜居於楚之畏壘之山三年其民咸識為聖人相與北面

莊周

事之自後精修日久道成仙去莊子名周字子休

其先楚人莊王

後之生於宋睢陽蒙縣居潼山

今山下為多莊氏

嘗為蒙漆園吏所



花亡命

遺一棒

學必窺其要。師事老子求大道。常晝寢。夢為蝴蝶。拍舞於園林花草間。其意甚適。醒時尚覺兩臂栩栩飛動。甚異之。以後時有此夢。一日講易之暇。以夢述之。老子曰。子之前因也。鴻蒙時。一白蝴蝶。吮百花之精。挹日月之秀。得以長生。遊瑤池。偷採蟠木花莖。為王母司花青鳥。詠死精靈。不散。托生於世。故子道心堅切也。周始覺。乃問在世何所。受用。老子曰。須從第一著迷處放下。六根漸淨。道念滋生。自有受用。時周年五十。勘破世情。方知四十九年之非。老子知其有進。以道德五千字真訣。傾囊授周。密誦習修煉。能出神變化。遂棄職辭師。雲遊至齊。陶朱公與為友。至楚。惠



楊朱

孟孫陽

心都子

王尊為師聞老子將入周觀察時事欲相從遊覽歸亳問  
曰成王定鼎郊鄩周公卜世三十卜年七百今逾其歷數  
抑謂卜有謬乎老子曰周室東遷王綱隕墜政由方伯徒  
擁共主虛名雖逾年世無足道矣周曰然隨行至梁有楊  
人楊子名朱曾受業於老子性鄙吝不以一毫利物老子  
惡其不情今率其弟子孟孫陽心都子諸人西遊於秦又  
欲南之沛過梁遇老子於中道拜問畢即欲告別而不敢  
啟口神馳於日顧瞻不止老子仰歎曰始以汝為可教今  
不可教矣朱懼隨至傳舍膝行請問其過老子曰汝矐矐  
盱盱誰與汝居太白若辱盛德若不足汝何自滿而汲汲



行道乎虎豹之文。猿猴之捷。所以致射也。朱熹然曰。人美

久生。將以學也。敬聞命矣。願從夫子遊。老子顧莊周曰。吾

欲輕身入周。汝且與楊子作伴。互相資益。楊莊領命送一

南榮越

程然後南行。老子於路遇

桑楚之弟子南榮越。引三道

崔瞿

者拜見。齊人崔瞿敎曰。不知天下安藏人心。老子曰。汝慎

士成綺

無撓人心。絕聖棄智而治。楚人土成綺問曰。昔者有刺於

柏矩

子。今吾心正卻矣。鴈行避影。履形請進而問修身。老子曰。

汝似繫馬而止。動而待發。機察而審。知觀於泰燕人。伯矩

請曰。僕將遊於天下。方至齊國。見棄人焉。老子曰。榮辱立。

然後觀所病。貨財聚。然後觀所爭。力不足則偏。財不足則



乘史儋

南榮越曰吾忘吾身。因失吾問。召其所好。去其所惡。敢問衛生之經。老子曰。能抱一乎。能嬰兒乎。能與委蛇而同其波乎。身若木而心同死灰乎。四子欣然拜謝而去。安主末年。老子至周。改名儋。見王曰。世有史官。君舉必書。所以慎官行。昭法則也。今史職久廢。不可不復。王曰。善。遂用爲太史。至烈王二年。獻公遍訪賢才。聞周太史儋有聖智。乃命於王迎儋至秦。舍於容館。越三日。公拜問。兩金之故。史儋倨坐而荅曰。周與秦俱帝之後。是始合也。孝王封非子。號秦嬴。是別之也。別五百載當復合。合後十七歲而王霸者出焉。天帝醉心於秦而由此也。公詳問儋。



顯王

西周威公

惠公

成公

象周惠公

秦孝

衛鞅

晉齊皆二

十九世而

滅秦以二

十九君而

開自不言公告退明且請見已不知所往壬子冬岐山挑

花放烈王七年崩弟扁立昭甲寅春復雨金於櫟陽是冬

河南惠公桓公孫立長子於河南為西周又封少子班於

鞏以奉王室鞏父號曰丁巳秦敗三晉於石門顯王賜以

黼黻之服秦獻公薨子孝公立用衛鞅徙都咸陽廢井田

開阡陌國以富强自非子始封後二十九君秦師伐楚取

商於之地顯王賜文武胙至孝公二年適當五百載朋命方伯孝公會諸侯於周齊

侯因齊立九年以騶忌為相田忌為司馬威始稱王入周

朝觀頌聲載道歸得寒疾甚殆聞宋有良醫文華迎至隔

牕望見謂齊臣曰能令王大怒則愈趨至榻前逕診侍妾



受命

△驕忌

△出忌

齊國二忌

而至

◎文摯

◎魏惠

◎孟子

◎激公宜

◎仇母

臣聖從來

伯夷傳

車馬

不及避王已愠諍畢曰不得汗者死回身疾走王大怒令執烹之摯笑曰王顙間汗流病已去矣王撫胸背皆汗體覺爽然羣臣進言其故王謝罪命以金帛重酬摯曰某以大王賢名而來非為利也不受而去是歲魏侯瑩亦稱王

成厚禮招賢鄒人孟軻字子輿魯孟孫之後父激公宜

母仇音氏夢神人乘雲攀龍鳳自泰山來將止於嶧高聲

曰子青帝下相栢皇也仇氏凝視忽片雲墜下而寤栢皇

向隱皇人山魯班薦於泰山真君聘徹其母子為孔子歸

位恐道乏絕故出而正之時閭巷皆見五色雲覆其居而

孟子生焉三歲喪父舍近墓嬉戲為築理事孟母徙於市



子思  
曾子  
子思  
子思  
程本

乃為賈術。事又徒學宮之旁。其乃設俎豆為揖讓進退。母  
曰此可以居矣。長而就學。一日歸。母方織。問學何所至。曰  
自若也。母以刀斷織。曰子之廢學。若吾之斷斯織也。夫君  
子學以立。召問以廣智。今而廢之。是不免於厮役。而無以  
離於禍患也。孟子懼旦夕勤學。聞仲尼之孫伋。伯魚子思從  
魯參。字子與得聞其祖之道。明於禮樂。因往孔里受業。子  
思悅其志。命子上。子思之子名白待坐。禮敬甚崇。既退。上曰孟孺  
子無介而見大人。悅而敬之。白也。未諭。子思曰吾昔從夫  
子於剡。遇程子。枵於塗。傾蓋而語。終日而別。命子路以求  
帛贈焉。以其道同也。今孟軻稱堯舜志仁義事之。猶可况



○黔婁注

○魯共公

○魯元

○魯申

○魯西

○婁妻

加敬乎孟子學有年道既通值魏招賢乃往見惠王王問  
 富強之術孟子對以仁義之道王迂其言遂適齊齊王以  
 為上卿黔婁先生居齊修身清節魯共公賜粟三千鍾欲  
 以為相辭不受齊王以黃金百斤聘為卿亦不就著書四  
 篇言道家之務號黔婁子卒以壽終以布被覆其頭則足  
 見覆足則頭見魯西魯子之孫魯元弟申之子曰斜其被則欹矣婁妻  
 泣曰妾知先生之志雖斜之有餘不如正之不足時並高  
 之魯西敬子路而薄管仲亦尊賢賤霸之意魯名孔子  
 有吾與點也之歎魯參得孔子一貫之道參居武城不位  
 而遊緇袍無表顏色腫噲三日不舉火十年不製衣正冠

孟子卷一

車乘



口魯哀公

而纓絕屣襟而肘見納履而踵決曳縱而歌魯哀公賢之

致也焉參辭曰吾聞受人者常畏人與人者常驕人縱君

口公儀潛

不我驕我豈無畏乎傳道於子思後卒魯人公儀潛穆公

口魯繆公

因子思而致命欲以為相子思曰臣不佞不能為君操筆

口孫賓

下釣以傷守節之士潛竟終身不屈齊人孫賓孫武之孫少好

學藝聞周之陽城今登封縣山名鬼谷中有隱士遂號鬼谷子

口龐涓

顏如少童學問淵博乃負笈前往路遇魏人龐涓結為兄

弟同往投師將三年涓聞魏招徠文武辭師下山仕魏為

將先生付賓一書曰汝祖所著也賴有遺書佑教後人不

失舊物克繩祖武



耳屬腎水也坎也眉應膽本也震也卦象為屯上節高山為艮流水為坎卦象為蒙學道者丹成溫養屯蒙二卦不可不究知此方是認得鍾俞陽都者

化萊子衣編爛以娛父母道江南甘耕績以老夫妻君之用意切矣可知入道者胡可不報本而守廉乎楊墨二子俱事老子而不從其教真為敗類有此二子桓皇所以不得不降也奈何又值蘇張同時於孟子也不亦難乎

孫龐同師而後遂為讎敵人情傾險如此可畏哉交必擇友斯言堪佩



山水本無  
聲清風故  
相虎

淳于髡

○陶朱公復還故我

○賓子明自述根源

越火姑蘇臺此書燬而不傳武子曾以此質諸計然因求  
得而註釋復語以性命之學悉能質會墨子至山見賓才  
可以用世入魏薦之王命涓作書往聘先生曰子之功名  
終在故土爲更名牘又授以一囊曰遇急方開牘至魏拜  
爲客卿涓嫉其能譖削其足牘故囊乃佯狂二字牘密行  
之時墨子客於田忌家禽滑釐自魏之齊具言孫子被削  
墨子曰吾反害之也言於威王令淳于髡聘魏命釐隨往  
計取孫子歸王欲官之牘願隱於田忌家以待復讎趙初  
取魏中山至是魏命龐涓伐趙趙請救於齊齊命田忌爲



韓昭

蘇秦

張儀

將臙為軍師臙乃揚言伐魏涓還救發伏擊之大敗臙仍  
不受職涓復伐韓昭侯求援於齊忌臙救之遷趨魏都涓  
棄韓歸臙退師滅竈示弱誘之伏弩馬陵隘道涓不能脫  
乃自刎威王欲相臙固辭手錄十三篇以獻乞閔山一片  
以養殘軀王封以石閣之山在秦安州初有洛陽蘇秦魏人張  
儀亦入鬼谷問道先生曰聞道易修道難二子世心未冥  
可學游說以適今時之宜必得相其國矣然得相必死若  
不懼之當相傳儀秦請學遂同習遊說之術三年成見孫  
臙應聘亦欲辭歸先生曰最難得者聰明之士以汝一人  
之志若灰心學道可至神仙何苦驅逐於浮名虛利乎二



子堅意辭行先生以太公陰符篇為贈各與之隻履令隨

履可以速返一子下山履化為犬引其即到家一人不

知所之蘇秦欲遊秦聞衛鞅方用事且止孝公命鞅伐魏

魏遷都大梁鞅受封商於號商君為政嚴酷孝公薨子惠

文立車裂商鞅公孫衍為相勸稱王以號召天下令割地

為賀諸侯相觀望楚威王商新任昭陽為將殺越王無疆

并其國秦使至叱而逐之求賢欲與秦敵聞莊周之名遣

使至靈墟聘之周前與揚朱南行朱欲往滿周問何事朱

曰陶朱公在蘭陵賣藥尋得計然邀之同往仇池會友吾

在秦遇見相與留連三日知我為老子之徒謂我曰吾以

口秦惠

口公孫衍

口楚威

口昭陽

口越無疆



從漁人道  
者計然  
徒

子明

仙真衍述卷二

渡出子明

二

事

亦鯀度齊人涓子以白魚度銍鄉子明子若南遊可一訪  
子明或有好處故欲往朱乃之沛尋問至銍鄉其處一閑  
之市土人云子明來棲吾鄉所居華門圭竇因以賣為氏  
常以垂綸為樂曾釣於凝溪得白魚斬眼似龍懼而解鉤  
拜放之名白龍潭後五年白魚復來吐書授服食之法子明遂  
上黃山採五色石脂鍊而沸水服之三年數日前有雙龍  
來迎子明跨之而去故立祠以祭焉楊朱大悔來遲復與  
莊子北遊至齊威王聞而召見問以治道楊子曰昔伯成  
子高不以一毫利物舍國而隱耕大禹不以一身自利一  
體偏枯古之人損一毫利天下不與也悉天下奉一身不

不知



楚女

田莊躋

宋女

田氏

室家本茲

何為

吳夫

取也人人如此天下治矣時禽滑釐在朝出問曰去子體之一毛以濟一世汝為之乎楊子曰世固非一毛之所濟禽子曰假使能濟肯為之乎朱不應而出田齊族中欲招楊子為壻朱掩耳避去田宗重莊生人品以女妻之周一娶楚女生子曰躋楚女亡子躋寄養鄰家繼娶宋女有過被出今娶田氏居年餘遷往趙地貌姑射山蓮花洞有遼東丁令威初名固自少訪道聞莊生之名遠來從遊周語以道要因念子躋在楚復回故居靈墟閉戶著書五車惠施多方遂遺世自放王公大人皆不得而器之威王使太天以百金聘周周方鈎於浦上持竿不顧曰吾聞楚有神



龜死二千歲矣。巾笥而藏之於廟堂之上。此龜寧無爲留  
骨而貴乎。寧生曳尾塗中乎。大夫曰。寧掉尾塗中耳。周曰。  
吾方掉尾於塗中。大夫還報楚王。又以千金之幣迎之。許  
立爲相。周笑謂使曰。千金重利也。卿相尊位也。子獨不見  
夫郊祭之犧牛乎。食以芻菽。衣以文繡。見耕牛力作辛苦。  
自誇其榮。及其迎人太廟。刀俎在前。反爲耕牛所笑。雖欲  
爲孤豚。豈可得乎。亟去。無污吾耳。及楚使再至。周曰。吾身  
終不仕。然王意殷勤。吾有子名蹻。在漢東遊學。王拔用之。  
可也。東南王氣將興。郢中之氣不振。宜遷應之。爲上使者。  
復命王謂東南木旺以金制之。命鑄金人埋以鎮之。因置

今之耕牛  
不免刀俎  
欲望犧牛  
一日之樂  
而不得痛  
哉



赤孫

次子辯

三子論

金陵邑召驕為將。不一年，黔中盡平。因山築五城，王以為

能令畧西南夷，以寬肘後。驕兵行千里，直抵滇池。水源未

倒流故名。而貴陽始通中國。驕復伐夜郎，至且蘭，桀船於岸，步

戰滅之。因有牂牁牂牁處，各其地。牂牁建且蘭城。至後秦師

懸絕，驕不得歸。乃自王於滇唐末，子孫復據其地，改為蒙氏，謂祖莊子蒙人，分六詔。南詔最强。陶朱公以

貨殖經營，居積富厚，三致千金，即散與貧交。公有三子，長

曰赤孫，善謀而吝。次子辯，勇而戇，直使遊學於外。三子論

幼而懦，居家習誦辯遊。至楚，醉後殺人，繫獄。從者歸報公

謂殺人者死法也。然千金之子，不死於市，乃出金治裝，令

少子入楚營視。長子請死，曰：父不遣，以為不肖也。母強公



令赤孫往公致書莊生。命進此書與金。聽其所為。慎毋探

其行事。公歎曰：長子往。

此其識之明

而次子死數也。赤孫不之省。至楚

見莊生。出父書并金致之。莊生。命之速行。赤孫潛留探聽。

壞事

莊生入見王。言熒惑。臨翼軫。犯貫索。王欲穰之。莊白：夫貫

索天之牢獄。若釋其冤濫。或可消弭。王下令盡赦罪犯。赤

孫不知莊生之謀。往索其金。莊以金還之。而惡其欺。已復

且里候

入見王。言有殺人陶犯。出獄揚言謂賂王左右。始有此赦。

王令獨追陶犯。正罪戮於市。赤孫斂埋負金而歸。公曰：此

汝吝財所致也。赤孫悔恨無及。墨子自去齊北遊。遇犢子

於東陽。言陶朱即天師岐伯。即往見之。公恐其在妻孥前



楊布

鴻言邀至外館表待叙論數日。公曰：子又生孫子，久欲棄此。曾憶吾師有言：財者所以就事也。道成則無用財也。且財曰利，利能害人。如此則財不可以久積也。孰若吾身之多於財也？吾故常散財以贍貧，將尋吾師以還清淨。墨子曰：天師不忘師祖，弟子亦念本師。未知今在何處？公曰：犢子前見我時，言扁鵲與郭偃、史蘇居恒山，後聞與姑布子卿入晉。墨子拜別西行。陶朱亦不歸家，遂撒手南遊。楊朱欲行其教，與孔孟爭衡。聞梁求賢，益切與弟布西見梁王。言治天下如運之掌，王笑曰：子有一妻一妾，而不能治三畝之園，而不能藝何也？楊子曰：將治大者不治細，成大功

差級

胡說



者不成小王曰此非寡人所知也楊子至鄭訪列子有云

為壺丘子林引往仇池會文始也楊子在齊魏宋衛之間

行教從者甚衆時孟子復去齊適梁惠王求教孟子執言

仁義終不能用當是時方務攻伐而孟子辯理義之微明

性善闢邪說是以所如不舍先是浮丘翁又牧鷄於鳩茲

黃山大江中有老鰲

蛟也

竊食其鷄浮丘欲俟而殺之鎮居

山上莊生常就之談道將下令威託其教誨自乃挈妻歸

宋隱於曹州之南華山著書不輟洗滌自恣名其書曰南

華經共三十三篇偶遊山下見荒塚纍纍一墳封土未乾

異哉

旁坐縞衣少婦舉扇向塚連搗怪問之婦曰塚中良人生



時相愛遺言土乾方可他適莊載曰願代一臂可乎舉躬墳上頓乾婦喜謝而去莊歸言其事田氏曰甚矣其不賢也莊曰常情耳田知諷已遂忿然設誓未幾莊生忽病而逝田氏悲傷殯殮數日有少年云楚王孫特來從學聞先生已歿至靈前下拜欲留誦讀遺書館於左廂將半月田潛問其蒼頭知王孫未配即免其為媒王孫恐千物議田氏曰未經北面無礙也除服成親王孫笑拈樞曰先生復生矣田氏顧望回視王孫即是親夫所化驚慚無地自縊而死莊生將空棺盛之乃箕踞於盆而歌

大塊無心兮生我與伊偶然邂逅兮一室同居人之無



慨世之詞

仙真名流 卷一

良兮生死情移。真情既見兮。不死何爲噫嘻。我非伊夫。今伊非我。妻大限既終兮。各自分飛。

歌罷取火焚廬。遨遊濮水垂釣。自樂復至中條山。見二人對奕巖下。局竟一人推枰而起。笑曰。師弟此局又負矣。玄衣者曰。爲人莫學棋心。殺奪無厭也。莊生問其故。二人揖坐於石。衣淡黃者曰。予魏人尉繚。此燕人文摯。同投支父。風真人學兵法本師以爲。凶危之事未可輕授。且教奕基。賭勝未知何意。莊生因請見風后。引至洞府。風后知是老君高弟。叙禮遜坐。莊子求謁天母玄女。風后曰。家師越歸厭山中。煩擾令我居守於此。白往碧落。靜鍊近有繚摯二



負局先生

子欲學兵陣故先令奕碁以決勝負碁與兵合有動靜進退之道能決勝於局中者即可語以兵機善敗不亂者知表裡陰陽可教以醫術摯敗不面頰口不諦辭吾將作書令往恒山投秦越人悉求其秘尉繚留學韜鈴爲帝呈混一輿圖也當晚款待莊生明日命摯往恒山學醫摯勤習數年業愈通拜辭扁鵲南遊自號負局先生常負磨鏡局循行吳市因磨鏡時輒問主人得無有疾苦否有即出紫丸赤藥與之無不霍愈如此數十年值楚大疫先生家至戶到以藥療之愈者萬計後上吳山絕頂歲歲懸藥與人下濟疾苦復欲北遊宋地訪同門墨子犢子去時詔下人



蘇代

蘇厲

燕文

趙肅

曰吾欲還恒山為汝曹下神水於崖頭一旦有水白色從  
 石崖間流下病者飲之多愈鄉人立祠十餘處祀之初蘇  
 秦回見父母兄已亡過二弟代厲俱長秦求見周顯王以  
 自強策說之王不能用復回家治裝入秦見惠王說以兼  
 并書十上而不納留秦歲餘貨用乏絕而歸因取陰符之  
 謀誦之得縱橫術關東地縱長合六國而擯秦揣摩既成  
 先往說燕文公悅之乃往趙說令一韓魏齊楚燕趙合從  
 擯秦肅侯厚賚之使約諸侯適秦攻魏將移兵於趙蘇秦  
 遣人託名賈舍人去訪張儀儀適為楚相昭陽所辱聞秦  
 相趙欲往無資遇舍人載至趙修刺求謁秦故為傲慢激



○齊宣

○燕易

○韓宣惠

○賈子安

之入秦舍人亦云欲往秦國復爲儀治衣裝僕從同入秦  
出金帛爲儀延譽惠文王召爲客卿舍人始述蘇君之意  
儀曰當季子之身不敢言伐趙肅侯封秦爲武安君約從  
列國路由洛陽父母二弟妻嫂俱榮之入楚威王如約六  
國君臣至洹水會盟秦請六君俱稱王六王封秦爲從約  
長佩六國相印是年齊威王與文韓昭王與齊宣燕易韓宣  
惠嗣立此周顯王三十六年也初銍鄉子明爲龍迎去止  
於陵陽山上春餐朝霞夏食沆瀣山頂去地千餘丈常大  
呼下人至山半與語自言周簡王之後棄榮歸隱以賈爲  
姓因放白龍而得道聲振山谷所言吉凶皆驗其弟子安



琴心調和  
性也

來尋問允釣車在否子明云投於溪中安往求得之終日  
釣於旋溪不獲一鱗後二十年安死葬於黃山有黃鶴來  
棲冢樹鳴聲如呼子安不輟安忽自地底躍出乘鶴而去  
蓋子安伏土仙成子明遣鶴來迎問宋國冠先亦因漁入  
道往尋不得遇負局先生問及負局言會見犢子曾云冠  
先即涓子初名任光今往霍山大明彭真人處訪道矣子  
明遂別負局徑投南嶽尋見涓子已勅爲太虛真人君潛  
山爲副子明留年餘盡得涓彭二真道術乃別遊於中原  
涓子著琴心三篇中有玄理子明雖受其畧未得其精因  
復投鬼谷研究其理鬼谷自蘇張下山亦出遊塵寰欲覓



琴高

有根行者入道先往石閭度孫臍片示前因臍乃怙遂從  
國遊蓬島遇方子春與其徒成連鬼公與談琴理深相契  
合復轉入中國過中條進謁風后風后正為尉繚立心恻  
刻不欲教以兵事乃借言將與莊子遠遊轉託鬼公教誨  
尉繚隨回雲夢日與孫臍周旋聽講陵陽子明來學琴十  
有三月盡探其奧鬼公稱美之曰塵世之琴無有高出於  
君者矣子明欲遊人間先生爲改其號曰琴高出二簡令  
遺蘇張臍曰先生何繼繼於二子也鬼公曰自古無懣懣  
仙人蘇張俱絕世聰明仙家所最惜者琴高往趙見蘇泰  
示之以簡泰恭立捧讀



二足下功名赫赫。但春華不能久茂。今貴朝露之浮榮。忽松喬之永壽。夫女愛不及席。男權不畢輪。惜哉。

秦色沮移時。歎曰。至此愈不能中止耳。待琴高為上客。欲

世事皆然

薦於趙王。俊翮不偕。凡鳥集貪夫。焉識逸民懷。

陶朱貨殖。亦云多事。莊生反覆。可謂不仁。二事皆非神

仙所為。吾疑陶之非長桑。莊之非子休也。

計然以魚度涓子。子明其救世之心。猶是坐茅以漁之

本色。子明更號琴高。以魚救世。真能大其儒者。

蘇張洵是仙材。鬼谷所以戀戀也。至喚之不醒。其聰明

已為勢利所汨。變為聾聵矣。惜哉。



○韓大人殉節流尸 ○○馬成子受丹超俗

琴高方辭留秦第半年。是歲庚寅秦王知趙首倡從約欲伐趙。張儀進曰。誠以重利求成於魏。復結婚於燕。則約自解。秦許還魏地以和。魏報聘趙。土召蘇秦責之。秦惶恐請使於燕。琴高亦去。趙南迎秦。知解從約不與魏地。復興兵伐之。張儀勸魏割地賂秦。秦以儀為相。時楚威王已薨。子懷王立。明年趙肅王薨。子雍立。試蘇秦去燕適齊。宣王以為客卿。王好鬪。聞涓丘有紀消子者。得浮丘之傳。募養鬪雞。十日問可鬪乎。曰未也。猶虛矯而持氣。十日又問曰。庶幾望之。似木雞。其德全矣。於是令與異雞鬪。無敢應者。皆

屈懷

趙武望

紀消子



陳仲子

陳戴

仲妻

反而走紀消曰以之經國理身猶似也紀與陳仲子善仲子之兄戴爲齊卿仲子以爲不義適楚居於陵身織屨妻辟纊以易衣食楚王聞其賢遣使持金百鎰聘爲相仲子入告其妻妻曰夫子左琴右書樂在其中結駟不過容膝方丈不過一肉而懷楚國之憂亂世多害恐不保命也仲子即出謝使者相與逃回消丘爲人灌園時蘇秦復重於齊知紀陳之名再訪不見已亥秦師伐魏取曲沃惠王怒謀爲合從仍推楚懷王爲從約長張儀去秦仕魏惠王聞尉繚子善理陰陽深達兵法與弟子隱於夷山聘至繚陳兵法二十四篇其論主於分本末崇節儉右文左武雖本



至於純王亦已窺見治本張儀問其從來云是鬼谷門下  
儀未會過疑其誰已慮與秦為患勸魏勿用繆留暮年不  
辭而去琴高賣書見儀儀讀曰

子不見河邊之木乎僕焉折其枝波浪漱其根此所居  
者然也子不見崧岱之松栢乎華霍之梓擅乎葉于  
雲根洞三泉千秋萬成無斤斧之患者亦所處然也省  
之慎之

惶悔無已及問繆於高始知果是先生高第遍訪已不知  
所之高聞齊相孟嘗君

人高先使弟子雍門周

田嬰之子名文嗣為薛公招致賢士客常數千  
徐州有雍門村是其居處往見自陳善琴孟嘗

雍門周

口要



慎觀王

趙噲

梁襄

司馬錯

令鼓之周乃奏清商聞者泣下孟嘗問所從學周曰學於

琴高遂聘高為上客周顯王崩

在位四十八年

子定立

慎觀

是歲

辛丑燕易王薨子噲立明年梁惠王薨子襄王赫立客卿

孟軻適齊齊人忌蘇秦者刺死於朝匕首入腹琴高往哭

之曰季子不聽先生之言致如此豈非聰明之悞耶高遂

遠去張儀聞秦死乘間說梁襄事秦儀仍為秦相秦惠之

乙巳年儀請伐韓司馬錯請伐蜀儀爭之錯曰夫蜀國

也拔之利盡西海而有禁暴正亂之名如必攻韓將劫天

子惡名也神人之所不欲恐未必利秦王善之命錯為上

將蜀

山之險恃為

外戶錯乃為五石牛以金置尾下



古蜀主

△五丁後

揚言能糞金將以遺蜀但無路可達耳蜀主聞而貪募五

丁之後鑿山開路以迎錯以精兵尾進取之遂定蜀錯見

所鑿之山二峰插天如劍名劍山為大劍小劍中曰劍門兩崖

峻絕鑿石架閣而為棧道名劍閣錯步登大劍絕頂見二

△二美女

美女顏色如玉相對煉丹錯又手問之二女婉容曰老君

度世君

令候度世君來與以成丹錯曰救蜀亂非度世君耶乃掀

司馬得仙何易救世

爐視之丹成如日逕取而咽千忽身輕欲舉顧二女謂曰

功大也

有三將在軍中可招之同去二女曰恐無功德當之錯曰

△唐建威

唐建威以惠施貧李德茂以藥濟病宋雲刀以言覺迷三

△李德茂

人異術同功應無不可二女諾曰惟命錯即發聲如雷呼



宋雲乃

赧王

子之

燕昭

生無塩

季達

齊湣

韓襄

秦武

梁哀

仙童行記卷六

三將上嶺分食餘丹齊騰空而起二女亦隨之去偏將申

奏舉朝驚異周慎靚王六年崩子延立是為赧王遷都王城是

年燕王噲讓國於其相子之齊因伐之殘破其國燕人迎

太子平於無終山立之昭盡復故地齊宣王少子季達無塩

所受封平原陸鄉曰元侯後隨接輿入哦眉修宣王薨齊

閔王地立一作湣韓宣惠王亦薨子襄王立庚戌秦惠文薨

子武王蕩立張儀復至魏襄王已薨子哀王用之為卿踰

年卒秦武素好力戲用烏獲任鄒孟賁為將使左相甘茂

伐韓獲隨城折肋而死五年使右相樗里疾受責為公傳

開道三川直入洛陽赧王遣使郊迎秦武謝弗敢見入太



十萬獲

十任鄒

十舌賁

十甘茂

十樗里疾

司馬言駢

口秦昭襄

口屈原

口楚頃襄

口趙惠文

廟傍室見龍文九鼎各重千鈞腹有九州字記武指雍鼎

曰此我秦鼎當携歸乃與孟賁橫關對舉而扛之武忽力

盡墜下壓斷右脛夜半痛死

老聃曾言王遷王動非文人所知蓋周武秦武所謚相同

疾奉喪歸立其異母弟稷

昭襄烹賁以正罪賺楚王至秦使

納地自贖客死於秦三關大夫屈原立太子橫

頃襄趙武

靈恐地日削傳位次子何

文惠自號主父胡服騎射畧地西

北秦王聞孟嘗君之名聘之適燕使蘇代至齊言不可往

匡章言宜往齊潛不決獨門下客琴高告孟嘗以還返之

術指同門二客善鷄鳴狗盜令同入秦卒賴二人之力得

脫虎狼之窟丙寅韓襄王子釐王立魏哀王子昭王立昭



匡章

韓釐

梁昭

魏無忌

趙勝

宋辟

宋康

韓憑

何氏

大夫

仙真錄

華藏

王少子無忌號信陵君謙恭下土食客三千餘趙平原君  
勝亦好士賓客嘗數于琴高往來趙魏遊二公子之門聞  
宋無道往察之宋康王乃辟公次子母夢徐偃王而生遂  
名偃逐兄自立暴虐稱王遊封父之墟遇採桑婦美築青  
陵臺望之訪為舍人韓憑之妻何氏一作息氏息乃  
桃花夫人也諭憑  
獻之不從即其家奪之憑悲憤而死偃召何登臺口從則  
為后何作詩二章以見志

南山有鳥北山張羅鳥自高飛羅當奈何  
貧賤不能移  
富貴不能淫  
烏鵲雙飛不樂鳳凰妾是庶人不樂宋王

投臺下而死後名烏鵲歌埋其屍與憑塚相遠一夜忽生文梓



是惡常如

公孫丑

萬章

告子

孔穿

二本句日長三丈許枝成適理有雙鳥集樹交頸悲鳴里  
人哀之謂其夫婦之課化宋偃置弓矢於座側凡進諫者  
即射時號桀宋琴高自云趙人以鼓琴謁見宋王欲用為  
舍人以代憑職高即極言其過快甚怒引弓射之高行涓  
彭氣禁之術宋庭君臣如木偶高徐步而去未幾齊湣王  
糾楚魏伐宋破睢陽偃走投神農澗而死齊滅宋後孟軻  
見其強暴遂歸鄒與公孫丑萬章告子諸徒序詩書述仲  
尼之意門人記其語作孟子七篇傳世卒葬於四基山齊  
湣欲伐周遷鼎孟嘗諫不聽適魏依信陵因使結交於趙  
信陵勸王以親姊嫁平原孔穿自魯適趙平原知為仲泥



公孫龍

之玄孫禮敬特異客有公孫龍者能為堅白異同之說

白也堅執其是與衆異論也

與穿論臧三耳

一耳主聽二耳形也其辯兼聽而言可得為三

甚析穿弗應乎原問之穿曰三耳甚難而實非也兩耳甚

易而實是也君將從易而是乎其亦從難而非乎平原謂

龍曰公無復與孔子高辯事也其人理勝於辭公辭勝於

理終必受詘龍遂去而之燕燕昭二年廣延國獻善舞二

人一名旋波一名提謨並王質脂凝體氣香馥王登崇霞

提謨

臺二女設麟文席散華蕪之香云此香出波戎國侵地則

此段間所

上石皆香著朽木腐草莫不蔚茂以薰枯骨則肌肉復生

以屑鋪地厚四五尺二人舞步其上彌日無跡使女伶代



焉得性種  
以救窮黎

尸羅

歌於傍清韻流響空中白鸞振翔理一粟墮地二女曰此  
千莖穠一歲十獲一莖滿車王使民樹藝果然團名盈阜  
嘉祿二女積年不食王怪問之女曰吾本玄天神女爲王  
有夙根故來富強君國王愈敬信七年沐骨之國來朝一名  
申屠國有人名屍羅荷錫持瓶云發其國五年而至燕年百  
四十歲善於指端出浮圖十層高三尺有諸天神仙皆五  
六分歌音極細幡幢輿蓋巧麗特絕俄而吹浮圖漸入雲  
裏能歎水爲霧霧間數里間吹疾風而散常於左耳出青  
龍右耳出白虎始一二寸稍至七八尺乘風雲而起復以  
手揮之龍虎下歸於耳又張口向日有人羽蓋駕螭鵠驅



十樂殺

王孫賈

齊襄

邪君王后

田單

甘需

谷將子

入於口旋以手抑背上轟轟聲人物復從口出終日遊行  
城市或化嬰叟倏死更生昭王以為異二女曰留國中街  
惑人民不如善遣之王遂齊以遊賁送之出境王不忘報  
齊築黃金臺求士得趙令樂毅乃尉繚之徒用以伐齊大  
破之封昌國君齊湣被殺於楚王孫賈迎立太子法章環太史  
嚴女為后用田單為將行反間於無昭王不聽王幕神仙  
初有山人甘需云受金母傳授來臣於燕為王述昆臺登  
真之事去嗜欲絕聲色無思無為可以致道王從之既久  
忽有人曰谷將子乘虛而集告曰西王母將降觀爾所修  
示爾以靈立之要後一年王母果至與王遊燧林之下乃



亦似尸解

燕惠

騎切

魏安釐

孔斌

炎帝鑽火之術燃綠桂膏以照衣復有飛蛾噴火集王之  
 宮得園丘硃砂結而為珮登捱日之臺得神鳥所拘洞光  
 珠以消煩暑自是王母三降於燕宮而王方徇於攻取不  
 能遵甘肅澄靜之旨母可憐不復降需曰母設之饌非人世所  
 有玉酒金醴後期萬祀王既嘗之自當得道但在虛凝純  
 白保其遐齡耳未幾需亦昇天而大王三十四年無疾而  
 薨形骨柔栗香氣盈庭玄天二安忽失所在子惠王立以  
 騎切代毅田單計驅火牛破燕軍盡復故地時孟嘗為魏  
 相昭王薨子安釐立齊襄迎孟嘗不就終老於薛魏王聞  
 孔斌賢穿子字欲聘為相斌謂使者曰若王能信用吾道



蔣相如

廉頗

虞卿

白起

姊嬃

漁父

固為治世也。若徒委以重祿，魏奚少？吾一夫耶？使者固請。  
 乃之魏，為政累陳大計，不用。遂以病致仕，歎曰：「死病無良  
 醫，不出二十年，天下其盡為秦乎？」關東諸侯惟趙有蔣相  
 如、廉頗、虞卿之徒，號稱強盛。秦王以孫異人為質於趙，令  
 大將白起擊楚頃襄，忘仇用佞。屈原屢諫，被放作離騷，以  
 自怨。姊嬃歸訪於嬃之故宅，慰以力耕自食。原重違姊意，  
 乃秉耒而耕。里人哀其忠，皆為助力。獲米如王號王米田有漁父匿  
 名，隱釣於江濱，見原披髮行吟，以滄浪之清濁喻勸原，不  
 省。去深山，自閑。原抱石投汨羅江死。乃五月五日，里人為  
 角黍投江，祭之，恐為蛟龍所食，繫以綵線。今龍舟競渡吳楚成俗其



榮王

地遂號姊歸為之立祠

荆州府歸州

楚王遊巫山瞞岸有石岸

立問大夫宋玉

屈原

稽博古文對以雲華夫人授禹章策

之事王聞神女善變化能興雲雨築高唐之館作陽臺之

宮祀之

神女壇側有竹垂地若簪有稿葉飛物着壇竹則因風殆去瑩潔不汚

時楚都都白

黃歇

起攻拔郢都頃襄東保於陳秦復取黔中楚太傅黃歇侍

趙奢

太子完求和秦攻韓僖王求救於趙趙奢大敗秦師越二

韓桓惠

年韓僖薨子桓惠立明年燕惠薨子武成立楚黃歇頗好

燕武成

道質秦數年聞成陽南關有茅濛字初成博學深鑒知周

茅濛

室將衰不求仕進常歎人生若流電

醒世

秦何久迷塵寰中因

棄妻子往師鬼谷先生喜其志但言根行尚淺未可傳以



馬成子

童子先生

鬱單王

蒼精先生

真道止授以長生之術。濛隱華山修煉漸悟精微。黃歇乘暇往叩其道。濛曰：子猶未去軍國家事，何能語以丹旨？歇意未然。濛曰：子速改圖，毋招棘門之慘。歇問之不答，但二吾交馬成子，慨棄家山，得胎元煉氣之法，子可往岐陽求之。成子即晉人馬丹，改號列子，復歸三晉，偶遇本師王倪，引至狄山伯陽川，拜見師叔祖，顏如少童。號童子先生，叩其要。先生曰：聞太上昔謂鬱單天王曰：道生萬物，物不離道道，在於身不在他人。丹退問其從來，倪曰：此即黃蓋氏之弟子也。更問伯陽曰：子在亳所師之老商氏，丹驚宛丘祖師所在。倪曰：師在大宛，為蒼精先生，度青鳥。



東平生

沈義

公以正道復為西伯昌今遊於淮泗為東平生多病受其  
益者列子告別時童子先生授以浴狝鈴經列子乃入蜀  
之鵠鳴山山居洞修養數年忽李八百策杖至曰此山鵠  
鳴子當昇仙語言相投復以神丹一顆贈曰烝為內丹藥  
為外丹服此即成真道列子大喜曰吾前為馬丹心念此  
藥也今得以成仙故更號馬成子服丹白日冲舉上朝帝  
柏後止於岐陽常憑虛御風扶搖直上在空浮遊眺望後  
其地有吳郡沈義善於醫心切救人功德感天聞馬成在  
扶風扶風蜀得丹棄家往訪時赧王乙卯九年秦昭之元年老君度  
司馬生居仇池數年引出散關飛昇崑崙路遇馬成召之



曰楚人沈羲行仁救濟今來訪汝可引入蜀學道待功行  
成子當遣使迎之業已從先進還應覺後知

韓夫人貞烈捐軀不特芳名千古太上已入籍地仙至  
後集始見

司馬除亂救民即得度世亦以見感應之速念三將同  
功毅然招之不虛度世君各位

燕昭以甘棠遺蔭故得甘露助道是以天女至而王母  
降雖未見成道之跡觀其歿時自是不同

應得仙者須帶靈根仙骨如馬成子高真曲爲援引黃  
昌乃心勢利所以屢訪不遇



神鼎沉小懲强暴○○○蟠桃熟大會真靈

范雎

齊建

朱英

楚考烈

二假君

於是馬成子招義居瀘峰山與之講論成石父常棲遲其間教服餌之道赧王四十九年黃歇來訪五次不值復往華山見濛亦迷其徑秦昭以魏人范雎為相上巳日置酒河曲有金人自水而出捧水心劍曰令君制有西夏秦王聞齊襄薨子建立君王后用事義為女中豪傑乃與齊結好復約和於楚楚使朱英魏至咸陽報聘因見歇述王病篤歇與英謀令太子微服出關歇度去遠求見秦王王怒范雎勸釋遣之頃襄薨完為考烈王進歇為相國號者申君封於闔閭故城令長子假君居守秦王方築樂宮於渭



一應曜

南而咸陽宮在渭北欲造一長橋以通兩宮水勢衝激工匠無所用其力聞齊有聖匠應曜厚禮聘為董師曜觀渭水有神物驅水奔騰乃撮土布之水不能流呼神出見神伏身對曰吾貌醜惡知仙卿善圖物容故不敢出曜致誠拱手曰試出頭當與汝言神不敢違曜曰秦作橫橋無礙汝水道神叩首領命曜以目停視暗以脚畫地神覺之沒水不見曜即令工匠立柱架梁數日橋成長三百八十步本名橫橋後名渭橋漢武曜教留神像於橋北京水中惟作西渭橋名之曰中渭橋後魏武過此馬置腰以上於水而使人識之不敢為崇驚移置於下曜辭行昭王以黃金酬之悉散於眾匠謂之曰爾等知魯國



水石公

名班者乎疾馳而去後名其門魯班門歇懼秦之逼致數千客以輔國成石父寓蜀又二百年餘濟渡甚衆聞春申

下葛况

鄒魯之地朱英薦師琴高道德高浮游冀涿間三十餘年聘尊以師禮英又薦趙人荀卿格曾論武於孝成王前復

口趙孝成

為齊祭酒學識淵博聘至用為蘭陵令春申修政練兵楚

千呂不韋

國復強陽翟大賈呂不韋適邯鄲夢附白龍而飛明日道

遇秦異人以為奇貨可居遂與結交為之入秦謀見太子

寵姬求為子不韋有美王趙姬懷娠二月獻於異人約為

龍龍出世

不韋呂氏子

婦周年產一兒光明如練百鳥飛翔口含數齒背項龍鱗



趙政

上王翦

毛遂

十侯嬴

公如姬

千張唐

西周

文公

羸膠

時壬寅正朔異人遂名趙政不韋約遁秦軍王翦圍邯鄲  
 不叛王親督師平原往楚求救賴下客毛遂之力楚使春  
 申往救平原復求魏信陵用侯嬴計竊兵符奪兵大破秦  
 帥范雎勸秦滅周王使張唐代韓赧王徙依西周文公公  
 曰昔太史儋言周秦五百歲而合今其時矣不如秦士歸  
 秦不失宋杞之封赧王無計率子姓哭廟三日搥與圖請  
 獻降為周公不踰月而殂遷西周公於愚狐聚命羸膠毀  
 宗廟運鼎於咸陽將遷居民聞鼎有泣聲及以舟運至泗  
 水豫鼎飛沉於水入水求之見一蒼龍鱗鬣怒張波濤蟻  
 作舟人懼逃膠夢周武王坐太廟責之命鞭背二百膠痛

神哉

傷哉

快事



東周

公武

須彌大會

奇事

掃興

覺即思背疽死孟秋朔秦以八鼎陳廟郊祀上帝於雍丘  
布告列國韓王首入朝各遣相國入賀王欲誇示率衆觀  
鼎八鼎忽聲如雷皆陷入地不見太廟震傾時東周惠公  
班之子武公已立二十五年是歲丙午須彌桃實正熟自  
崑崙會後整及千載黃老設筵於大地發金簡王符命官  
吏分投故請天上天下海內海外真仙其問恐有未遍轉  
仰東嶽真君查東華籙凡證仙班者俱邀入會因白石生  
處世最久地仙必多相識令青童傳語託其搜閱有功得  
足者招之同至青童逕至春申門下密道其故永石公不  
敢推委同門惟屬意琴高不與說明先別衆北往齊人趙



趙廓

獸不善變

仙真俗流卷六

三

非邪

廓學道於永石三年亦辭歸省公曰子道未全安可思歸

廓堅欲往公勉遣之廓行及齊力疲止於道市吏以為犯

法

法將收杖之廓驚走百步變為青鹿市吏逐入曲巷倦其

蹲憩路旁吏又逐之復變白虎急奔見冀壤如丘入藏其

中吏呼衆發穢惟一鼠伏地欲遁喝衆捕縛廓術窮原復

何罪

人形吏執以付獄法應棄市永石知廓彼困化老翁見齊

王建曰聞大國有因能變形者願為除之王選之坐召獄

吏拘至勒兵圍之公向廓喝曰汝能變小畜否廓知師來

救法妙

救仍變為鼠公從座上翻然變為老鴟攫鼠於爪飛入雲

中欲帶至會所以根淺行薄乃留於泗水香城自入蜀瀘



翠山招沈義義曰馬成子曾來言及辭以德業未就彼與  
續子同去矣永石念葛由嘗贈我甜桃當報之遂上綾山  
有童子守門問師所在答云數日前有太上符冊召往須  
彌永石想峨嵋太乙諸真諒必先去正躊躇見何侯巢許  
嚴諸人問之云地官弋友在周仍爲隱士故招齊赴良辰  
惟接輿與妻在蜀特來尋訪遂別去永石循江東行經嶺  
呀蔡鄧二真亦承冊召結束將行同至南障遠見匡氏弟  
兄隨應元容成大衆永石趨前檢點皆東南人物子喬之  
眷屬老彭之妻孥與仙華子女華蓋師徒徧視不見浮丘  
因問何在應元曰衆主夾山挈我二子二媳永石別行至



吳招琴高北過泰山念崔文子頗有功行可引入會至阜鄉尋見年雖五百餘不得變騰永石偕與之行中條各洞扃門闕寂將至咸陽琴高曰鬼谷先生嘗言茅濛是上真之器獨處華山或者未去永石泥其往訪高去斤晌即面曰南嶽真君與涓彭約五嶽君相至華嶽同蕭周三君往邀初成謂學業尚淺未得冲舉在路恐悞會期高去亦以此言力辭永石歎息崔文子曰聞茅生之言心竊自愧決不敢去永石尚欲促行見數吏如風而至曰衆聖集侯已久復令前來迎迓永石乃安置文子於涇河之濱同琴高飛步瞬息過弱水足須彌大地早望見尚坡下羽蓋重重



寄布幡幢對對高楊有四了髻小童凭欄向海南瞭望知  
有客王入內報知赤水二貞出迎永琴控身趨拜相携上  
山回顧林塢間侍衛神將揭諦青童皆張幙設席而飲一  
路迴廊曲檻異奇奇花直至堂前黃老元君錦欄繡帔珀  
玦黃冠遍體霞光覆護旁有金童十二各執雲幡寶幢黃  
老立於東階笑謂永石曰倩子招隱反爲隱者招士永石  
俯首謝罪引琴高相見堂殿開狎十三間窻牖璫瓏棖題  
蜚翠庭羅錦障地設氍毹左右有黃鐘碧磬爲賓主進退  
之節佳賓分三等而坐至聖高真尊居上座道隆德懋者  
設位中堂後學散仙列於前席金鐘叩處前席降階來迎



揖遜至中堂仙真各出位叙禮永石見上座高真皆拱手  
請坐黃老指坐向東一席仙叢中走出黃石魯班扶永石  
入座曰虛席候公久矣琴高次坐於旁赤精道君曰酒進  
三巡樂奏一闋而子始至命吏酹三觥上獻永石接而立  
飲宛丘曰此會惟我先來數月眾位亦宜奉三大觥羣真  
笑而飲之永石乃自改曰焦先以警怠慢鬼谷涓彭見琴  
高八會送酒相慶永石將沈羲茅濛崔文子情由細述黃  
老曰茅濛之睿知沈崔之雅操實所罕有侯其多積功行  
迎歸大地授職分司也何侯因約巢許嚴并舜之七友亦  
來未久審視廣筵間每四人合座新增許多貴客皆認不



得連合席二位亦未曾會問之始知寒衰王冰二人曰蒙  
天師初次挈來禮節未嫻尚祈指教何侯曰先輩韜隱乃  
爾晚未負愧良多起身重叙坐次寒王固辭何侯欲知新  
客姓氏乃問並坐之師門子師門隨嘯父來時諸真未集  
悉知後來者之詳於是竊指上位低聲而言曰頂負圓光  
身被七十二色是高上虛皇玉清聖境大羅元始天尊左  
首視之不見聽之不聞搏之不得希夷而微者是太清仙  
境混元道德天尊右首應變無窮體有葆光注而不滿酌  
而不竭者為上清真境玉晨靈寶天尊左席南面而坐身  
生三十二色寶光常有紅雲捧擁者即金闕至尊昊天玉



阿羅漢

諸尊者

彌勒

皇上帝也。何侯曰：無煩逐位宣揚，只以未識面者言之可也。師門子曰：金蟬子下首西坐，面東紫金像，白毫光莊嚴具足，變化無常者，乃西天竺國梵王太子悉達釋迦牟尼佛前席北面坐者，即其徒阿難迦葉及阿羅漢諸尊者。牟尼左座諸佛，貌古心古，道證不動，歷世最久，溯知未來，乃過去佛也。牟尼右座下不具莊嚴，不着色相，重願大口，坦腹嘻嘻，手持氣母者，內藏先天一氣，大千世界之橐籥。舍衛抵陀太子彌勒佛也。青蓮妙相，滿月金容，專務清淨，有大慈悲，西域稱為阿那婆羅吉低輸，即南海補陀落伽山潮音洞普門大士慈航也。常現宰官婦女身說法，隨感而應，尋聲救苦，是



觀世音

文殊

普賢

號觀世音。其道友二人坐於左首者曰文殊佛。常謂其有

妙德。居南土清涼山。

五峯像五髻聳出雲漢又曰五臺

仁比旃檀步承蓮

朵。化通萬彙。普濟羣生。有大辯才。故曰大智師。利坐於古

首者曰普賢。西方稱為邈輪跋陀。居峨嵋西峰。自相不常。

隨求而變。神周無朕。應念而生。有大威德。故曰大行神力。

畧頓一筆

師門子正待言及九天三元五嶽師相。適有值筵仙吏捧

壺斟酒。何侯曰。但言其概足矣。不必細談出處也。師門遂

約言之曰。玉皇同聖父聖母后妃子女列宿星君各部將

佐社稷之神。周穆王造父。賴西王母薦於上帝。為馬監天

御。趙簡子王良。藉天台。王君舉為武庫天虞。在漢中天馬



星旁北極玄帝亦同父母并水火二將率諸軍吏天神應  
元真君召屏翳為雲師統部雷霆將吏已上百萬天神或  
停半空或屯山野下方東嶽帶五子一女及校籍曹官造  
化神黔羸黔亦曰雷嬪妃仙眷南嶽相涓子彭宗西嶽相蕭史  
周亮并秦穆弄玉太白老人葉君陳寶北嶽相杜冲同扁  
鵲陽厲負局郭偃史蘇諸人中嶽相宋倫及蔡瓊鄧種東  
華帝君帶九子二女神茶鬱壘靈真子郭叔姚坦之徒西  
王母領四壻諸女其徒巫陽巫咸女娃赤真君率南宮列  
聖廣壽老人熒惑小兒冰精道君設教南洲時舊徒凡有  
德行者皆歸廣野孟子諸弟子俱亦隨至中條湯武伊周



宛丘之徒姜若春仇池文始宅眷其弟尹軌并壺丘子林  
尹文子列子莊子老成子南榮越雀瞿士成綺柏矩犢子  
陽都女紀消子季達王子喬同父靈王弟眉壽妹觀香妻  
太玄七子二女武夷二子同母太姥妻太陰二女南楚匡  
生兄弟玉子之徒太陽子太陰女鬼谷之徒孫臏琴高晉  
之師曠周之萇弘吳之姑布子卿蓬萊方子春蜀中葛由  
金堂李八百其女弟妙應原名真多大劍山司馬生鄴地赤須  
子冶仙梁母歐冶子將莫邪包山之靈威丈人陽山之公  
孫聖并公同來之三高人七隱士此皆乍會者也何侯謝  
教仰視夔龍邊螭虎地之碧玉匾上玄白堂三字乃紀后



複篆中填珠。鈿皆丈。監箕點鐵。畫銀鈞。俯看堂中。

香騰古鼎。花簇銅屏。八寶承几。五金作筵。案列龍肝鳳  
髓。麟脯雉膏。盤盛火棗。交梨。紫芝。碧藕。座上客有戴芙蓉冠蓮花冠一字冠九雲冠嵌寶紫金冠剪籜削瓠異  
製會中人有穿絳綃衣虹霓衣白鶴衣百花衣列宿山  
河衣裁雲綴羽喬裝女真皆翠翹綉帔風致翩翩高士  
則荷衣卉服儀容楚楚或開懷而飽德或抵掌而談玄  
人人綠髻方瞳箇箇奇姿異采

一真正與玄女評論時政忽樂聲動處有伶人數十手執  
樂器金童九人捧壺托案玉女九人執盞擎杯簇擁黃老



出席送酒傾醴酬之漿於瑋琤之杯自首席依次送去將  
及中堂俱起立遜謝黃老立於筵前命玉女各席送遍然  
後就坐風后乃問於一真曰弟子聞德者得也周既失德  
合爲有德者得之嬴秦何德而得周之天下一真曰幽王  
失德西周已亡秦襄實保豐岐而周秦爲同祖但惡其取  
之以力耳然六國未亡嬴秦先滅未享天子之實而索逋  
求償者已接踵出矣風后不解復問本師玄女曰子知周  
武代商以木確有至里德繼水而至夫秦金也雖能尅木然木之子  
火也火能爍金子來報復母讎始能繼木而至也風后曰  
五行之義固然猶未知嬴秦先亡於六國之故玄女曰世



有王者山魔君先降。羸秦強暴日甚。故天暗以呂易羸。斬絕其後。呂秦不久亦亡。諸魔殆盡。而後真命者出焉。逐鹿中野。爲王前驅。

九鼎爲三代神物。以德相傳。周雖弱。而無失德。秦昭以強暴遷之。宜乎豫鼎先沉。而八鼎隨去。最妙去於誇示之時。掃興盡情。

永石久貪安逸。今番當得勞碌。蟠桃之熟。寓道果之成。而木汞金鉛。都歸戊巳。三五合一。大丹正旨。故蟠桃止見於東西。中三處。而南此隱焉。閱者毋以義格而指疵也。



○○○善詠諧仙宮演劇○○○持戒律老佛談禪

復問應運爲誰玄女曰赤帝之子當現於斯時耳問呂秦  
氣數幾何玄女不答一真笑曰呂二口也不越二世而七  
風后曰周之主天下數十世累仁積德今赤帝當興其先  
果何如者乎一真未及答對席宛丘曰其間有段因果昔  
劉累者堯之後也事夏爲御龍氏曾醢道若之謫龍我以  
藥活之跨回南宮色化爲赤今我駕此赴會經過豐之大  
澤俯視坂上遇夫婦二人察其根由乃知赤龍當顯初御  
龍更爲豕韋氏商衰徙於唐周復徙杜爲唐杜氏宣王誅  
杜伯其子適晉爲范氏士氏士會奔秦後復歸於晉其留

劉氏根原  
在唐有據



秦不返者更爲劉氏後隨魏徙大梁梁滅轉東徙於豐其

人即劉氏子母初夢赤鳥如龍戲之而生其媼亦母蚪托

生我因降大澤阪與語解左驂雄龍與之行至洛池又解

伏呂氏

右驂雌龍縱之使其爲偶生將週歲矣我故來此最蚤風

后曰劉累聶赤龍爲膾何德之而反問得好光大其門宛丘曰子

猶未之審耶自黃帝以來少昊之孫有高辛顓頊之六世

孫有帝舜舜後有田齊舜之五臣禹爲夏桀爲商穆爲周

益後爲秦惟臯陶用法峻嚴致傷天和子孫故不得顯然

有六蓼之封而堯之功德巍巍邑子丹朱於房式微甚矣

今之繼周而王者火也堯王以火德故其後應興也劉累



嘗醢雌龍後必受女主之禍報施豈有爽乎風后曰弟子

俟

欲佐命真主攝伏諸魔少積功行可乎隣席黃石公曰既

有此志予當助子一行風后稱謝周穆離席告上帝曰臣

滿欲暫遊人間不識可否帝曰五百年必有王者出天道

之常然亦有不能正五百年者今元續十五劫去此尚百

伏漢武

餘年子當應運而往不可太先於期致天馬放逸難於羈

紲也西王母曰此去恐昧本來中年當來觀子之得失穆

伏東方生

拜謝莊周對席微笑有欣羨之色玄女曰莊子且耐守星

宮待時而動蓋羅天星衆俱有司守神歸則明神遊則昏

茅濛乃上界星官居木德歲星宮中周末下降於世今將



女教師是  
何根行

召入須彌莊周在中條常隨玄女出入天衢寓神於星宮  
如朝觀之邸舍上帝以濛未返歲星失守即命周暫駐其  
宮爲本德居攝非陳請奉勅弗敢離也葛由謂四治仙曰  
僻處一隅未覩中原之盛欲觀東南王氣望相引一行席  
散屈至荒山有造成五色木羊可乘之同往皆應曰可斯  
時滿堂笑語合座飛觴有一女教師領女樂百輩翠眉綠  
髻皓齒朱顏身穿霓裳舞袖繡帶綵裾手執檀板雲璈鳳  
笙龍管向前參拜起立兩班頓開清喉唱出玄歌一闕鶯  
聲嚦嚦婉約悠揚歌畢餘音繚繞梁間黃老隨命起舞衆  
女童皆撤去樂器長袖搏風輕裾颺綵如遊龍飛鳳觀者



優孟

世號老郎

孫叔敖

惜其曲不傳定不似

無不怡心悅目舞罷即傳杯走舜以供使令少頃走上數

對美少年錦衣花帽博帶烏靴跪稟曰南楚侏儒優孟善

體人情揣摩形態嘗扮孫叔敖感悟楚莊故元君召勅為

愈出愈奇

大演仙官尊我等嬉戲排遣情懷今有新演時文敢侑諸

上真一觴時堂中微暗黃老命掌燈頃刻寶炬流舍珠燈

有意義

射彩諸伶結束登場演出吳越爭衡近事始而夫差報越

勾踐敗淒會稽范蠡侍之八吳繼而歸國聘處女陳音教

習君子軍謀伐吳夫差寵西施信伯嚭戮伍員端木子說

吳伐齊救魯夫差北渡與晉爭盟越兵乘虛破姑蘇吳亡

越霸蠡見幾遁去而終有知音者擊節低和狂放者拍掌



後世僅去

也  
無求於人  
士宜水火  
也

稱奇王倪戲謂陶朱曰持危宗傾大夫之勞也當日固如

雅謔

是乎陶朱笑而不答在坐姑布公孫冶仙劍仙身歷其事

不勝感歎夜將半赤精水精亦出席送酒曰蟠桃大會未

公金母已曾作東今又黃老闔筵惟荒山無物相邀敢借

獻一樽伸敬自首帝送至老君前老君遜謝曰道君適周

應筆不漏

時重約會期予訂以周亡再晤今果然矣水精謝指教之

德奉過元始玉晨上帝諸真廣壽柏皇上前代勞各席送

畢皆酩酊醉意惟西方釋迦諸人不飲爽然自惺惺佺問

發明

曰此仙家醺醪非人世麴蘖之比我師何為不飲矣尼曰

答得好

釀或不同而名則無殊醺醪非醉心之味豈俗客能常



三教合參

夏仙做此

此理更微

葉有亂性之權。乃衆生宜斷五濁世中。初見煩惱上善稀

有接引下根。是日足防微杜漸。若非行自本身。愚蒙便生疑見。所

以五百大戒。先於我始。水精曰。善哉。老佛之言。即吾儒克

復之功也。僊曰。酒能亂性。我師戒之。又能陶情。仙家飲

之。我今無酒。且從佛。遇酒仍學仙。不必拘此執彼也。黃蓋

齋壽五龍巨靈諸人皆笑。文始曰。但能性命歸真。便與乾

坤等量。假天漢作屠蘇。引長河為酥酪。猶窪樽而杓飲耳。

老君微笑。頷之。觀音素喜清淨。乃恭敬啟問佛之設教云。

何牟尼曰。我好釋。故以釋為教。蓋詮釋字亦妙釋去萬緣之意也。文殊

普賢亦合掌求示。牟尼從肉髻中湧出百寶光。怡然曰。諸

世尊見問請言其概。世人皆苦空貪著。入垢執迷。我教以  
鮮脫。嗔痴煩惱。斷除慧業。塵勞覺彼愚蒙。拯諸沉溺。拔有  
漏之身。超無量之劫。以戒律爲教文。以禪定爲功課。彷彿  
乎天尊之醍醐甘露也。三大士歡喜謝教。黃老曰。承諸真  
不棄。辱降荒山。無以爲敬。有新成九鼎神丹。服之者與天  
無極。呼內待取來。有頃推一輻小金輿至堂。壘無數丹藥。  
滿座周旋。每位一顆。恰符其數。無有餘欠。黃老命金童以  
所著正一經九卷。陳與各席傳觀一遍。齊聲讚美曰。元君  
立言無上。王真玄妙。旨也。飲至夜闌。皆起告辭。赤精曰。既  
因蟠桃作會。且待摘來上壽。以應千歲之期。黃老曰。桃核



散繡雜出於衆樹間，典守乏人，成熟時被紫鸞玄鶴丹鳳  
黃猿採啄狼籍。已命小童去摘，未知可能遍供。宛丘浮丘  
應元鎮元皆曰：長筵廣席，酒已過多，不若偕至林下，隨意  
摘嘗鮮果，何必定於桃實。羣仙曰：妙哉！出席相携，同步揖  
遜下堂，只見

數百對碧綃燈，高挑前導，照山徑崎嶇。幾千柄翠羽扇，  
貼近橫遮，防露華沾濕。風清三界，步虛聲月白，九天沆  
瀣降。參橫斗轉，氣朗雲消，曉籌初唱，共瞻飄渺天關。旭  
日將升，乍見微茫烟樹，隱現樓臺宮殿，從衡匾額，標題  
金光堂。戊巳堂繡袍仙吏紛紛，中央殿廣明殿，羽服道

流簇簇資始樓頭玉面仙姬馮碧檻承天宮外金爪力  
士褰黃巾數不盡翠閣瓊樓遊不了華亭茂苑無限峰  
巒絕壁環迴洞壑層巖天成池沼化龍金鯉潛游生就  
橋梁顯瑞青麟閒走欲眺望有臺榭登臨思延竚有軒  
亭徙倚占檜長松夾樹委蛇曲徑清溪遠岫週遮幽雅  
仙居非徒杖屐難窮即使舟車莫遍

行至一處殿額上書神龍殿門橫金鎖戶扃銅駝外列守  
門神將旁糸值日功曹容成公喝退神將躍上窻櫺一望  
果有神龍數頭熱騰騰一窩盤踞問黃老曰獐惡之物秦  
養何為黃老曰此水宮禹王收貢金所鑄之鼎三代以德



九鼎有歸  
署

相傳耳足俱有龍文歲久通靈不欲就驚成陽陰來告我  
命力士攝至建此殿居之命功曹啟鑰引進九鼎按方而  
列諸真曰神物豈久居人世哉觀歎良久出殿由磴道而  
下在山腰望去坡前金杏黃梅赤桃紫李纍纍滿樹金童  
提筐執籠滿貯奉獻比方諸崑崙者更覺紅大啖之甘美  
非常回看樹上猶自茂密蓋地大而舒土肥而厚也羣仙  
入林恣意採食小子章摘四顆紅大者懷之朱襄君紀后  
曰食之足矣懷之不已甚乎章惶恐曰家母不啻此味久  
矣况今尤勝將以歸獻羣仙皆稱其孝西母適聞之轉謂  
女媧曰子長女太煥次女太英配應元二子三女太武已

補錄二字  
於此實授

張老

袁公

嫁容成幼女太真爲有黃之室惟四女大瓊未字觀小子  
賢孝願許以歸之煩神媒向太乙道意女媧承命言之太  
乙應允即令章拜謝時老君與莊子臨溪偶語王母之侍  
女各以錦袱包裹果品莊子笑曰口燥假以止渴遙自解  
袱來取母曰不問而取爲盜子又來偷食吾桃罰不畏青  
鳥耶莊子曰知言青鳥正當謝教彼時不遭其啄焉有今  
日老君曰嗟乎世多歲久精靈雖經煅鍊未受琢磨仍屬  
野仙吾子可謂因啄而成器矣莊子曰弟子在中條有張  
老者自言堯時甲子生學問淵博好穿素袍附居山之陰  
就學於玄女又一徒曰袁公自教越歸山相隨學藝極能



變化精於擊劍。當此大會。玄女教其努力勤修。改易面目。許以入會。老君曰。大盈若冲。子未可自足其志。莊子愧謝。

點出鏡姑

王母曰。吾子曾寓冀州蓮花山洞。有神人居焉。得傳其道。否。莊子曰。弟子慕其名。往候年餘。不得一面。其女徒麻姑。云。師藐姑。肌膚若水雪。綽約如處子。不食五穀。吸風飲露。乘雲氣。御飛龍。而遊於四海之外。其神凝。使物不屬疵。而年穀熟。吾以是言。狂而不信。麻姑謂我曰。瞽者無以與乎文章之觀。聾者無以與乎鐘鼓之聽。豈惟形骸有聾瞽。瞽哉。夫知亦有之。謝問其師之歸期。更問曾與高真接洽否。麻姑曰。吾師窮遊八荒。歸期無準。其性傲忽而淡遠。不喜與

物接故凡都會之所未嘗徃與王母曰此乾坤至精之氣  
所鍾予識之久矣問談之際有一人跛步拄拐過玉闕橋  
老君呼之曰李鐵拐勞碌到何處去且來少憩有事託汝  
凝陽稽首曰何事見諭老君曰吾子嘗至中條知張老之  
根由爲我寄語教圖向上事時至成與尋常莫及也凝陽  
曰足見慈悲方寸歸即傳示使其自勵忽聞玉磬琤琤連  
響老君曰客將行矣見橋南青龍駕輦白鶴隨軒天上馬  
真先回黃老送至雲衢而返山前高張翠蓋整飭旌幢五  
嶽君相因政務空憇皆欲辭去涓子雖居潛山爲大處真  
人見須彌景致沉吟注想黃老喻意爲衆宣言曰此山形



如蓮花其下根抵極小。漸上而漸大大處爲四洲南極入地三十六度。北極出地二十六度。南北去極各九十一度。半東西之極各當天地之中度。四海之水在須彌山頂盤旋而下。注於大海。日月星宿環行其津。迭爲明晦也。涓子曰。周禮土圭測日至之影。尺有五寸爲天中。謂潁川陽城是。又驗得衡山無影。過衡山則景在南。故交廣之石爲日南。陽城去夏至黃道十二度。天上一度。僅值地二百五十里也。周天三百六十五度。約算圍三徑一。得一百二十二度。該三萬五百里。若依舊說。地徑二十四度。豈止六千里乎。黃老曰。有謂東西南北皆九十萬里者。又不詳四海內

外自是不足論。然海內不過二三萬里爲實。而海以外又有如四洲者。亦非虛也。聖人以陽城爲地中。蓋惟聲教所及。則以人合天之道。但取九州之中爲中足矣。不欲遠驚爲奇也。夫天地之大。果止禹貢耶。要之陽城乃大地之辰位。天頂正圓。圓處尚高。辰間低。以勾股法算之。故寸景僅得二百五十里。衡山無影。非壬午之無影。專稽於晷度。有高下遠近之變耳。涓子復拜問。釋迦曰。西城諸國偏在瞿耶尼。其理與數亦相符。乎佛言。普天下有五大洲。一曰亞細亞。別有利未亞。歐羅巴。亞墨利伽。墨瓦臘尼伽。四洲在其外。此則大地之垠塹。畧可觀矣。天竺直阿耨山之正南。



即崑崙山頂有阿耨大池水分流為四入中國為黃河注東

海其三而各注南西北海中國實在東南為瞻部洲相通七十餘國如朝鮮日本琉球交趾暹羅天方大秦安息波斯祿友回鶻諸國皆在其內東北大洲曰勝神西北曰俱蘆西南曰牛賀四洲統名娑婆世界土形正圓故所生人物亦象其形蓋得天地之中焉其他世界環處娑婆之外形皆偏側尖缺故所生人物亦多不正云涓子復問諸天亦有名乎黃老曰周有三十三天各有帝宰高上曰須臾摩天王皇所居次曰梵藥陀天又曰離恨天諸佛所居四大王天忉利天樂變化天他化自在天梵眾天梵輔天大梵天少光天無




量光天、光音天、少淨天、無量淨天、遍淨天、福生天、福受天、  
廣果天、無想天、無煩天、無熱天、善見天、善現天、色究竟天、  
無邊動處天、無邊識處天、無所有處天、非想非非想處天、  
四象天、常橋天、持髻天、堅守天、當須彌山頂、爲帝釋天宮、  
優孟所演吳越事、隱諷岐伯諸人、最妙極熱、開後繼以  
老佛談禪、祛掃貪痴、與爭王定伯者、針鋒相對、觀此可  
知鋤強扶弱、仙佛猶以爲過。

周亡九鼎歸秦、秦興後九鼎絕無下落、讀此始知歸神  
大地九州土宇、宜爲黃老掌握。

此會宣周秦代謝、故炎漢受曆、卷中大關鍵也。







廣果天無想天無煩天無熱天善見天善現天色究竟天  
無邊動處天無邊識處天無所有處天非想非非想處天  
四象天常橋天持髻天堅守天當須彌山頂爲帝釋天宮  
樓孟所演吳越事隱諷岐伯諸人最妙極熱闢後繼以  
老佛談禪祛掃貪癡與爭王定伯者針鋒相對觀此可  
知鋤强扶弱仙佛猶以爲過

周亡九鼎歸秦漢興後九鼎絕無下落讀此如知歸神  
大地九州土宇宜爲黃老掌握

會宜同秦